

جریدہ عدلیہ

آلہ غزہ

۱۰ محرم ۱۳۳۴

۵ تشرین ثانی ۱۳۳۱

نومبر ۱۹۴۳

پنجمینہ

قائمہ سنی

نوجہرات عدلیہ

سیواس استیناف محکمہ سی جزا رئیس نجاتی افندینک احوال صحیحہ سندن طولانی محل مأموریتہ عودت
ایده میہ جکی آکلاشلہ سنہ مبنی عزلیلہ یرینہ آظہ استیناف محکمہ سی مدعی عمومیسسی احمد فائق وادرنہ ولایتی
استیناف محکمہ سی اعضاسندن سیمون افندینک عزلیلہ یرینہ قسطنمونی مرکز بدایت محکمہ سی جزا دائرہ سی
رئیس ناظم و قسطنمونی مرکز بدایت محکمہ سی جزا ریاستہ حلب بدایت محکمہ سی جزا ریاستدن آچقده
قالان محمود ندیم وزور سنجانچی بدایت محکمہ سی جزا ریاستہ سوریه استیناف مدعی عمومی معاون عثمان
نوری وبتلیس استیناف محکمہ سی اعضا لہ تھویل مأموریتی ایجاب ایدن طربزون استیناف محکمہ سی
اعضاسندن محمد شکری و طربزون استیناف محکمہ سی اعضا لہ موش بدایت محکمہ سی جزا رئیس مصطفی
ذکی وزور بدایت محکمہ سی مدعی عمومیلکنہ حص بدایت محکمہ سی رئیس علی عثمان و آیدین استیناف
محکمہ سی مدعی عمومی معاونلکنہ کونان بدایت محکمہ سی رئیس محمد نجیب و حص بدایت محکمہ سی ریاستہ حلب
استیناف محکمہ سی اعضا ملازمی اسعد مخلص افندیلر نقل و تعین و بنی صعب بدایت محکمہ سی رئیس محمد بہجت افندی
ایله غزہ بدایت محکمہ سی رئیس عبدالغنی و بنی صعب بدایت محکمہ سی مدعی عمومی موسی افندی ایله غزہ

بدایت محکمه سی مدعی* عمومیسى محمد صبرى جمعه و قدره بدایت محکمه و مدعی* عمومیسى علی رضا افندی ایله
کیوه بدایت محکمه سی مدعی* عمومیسى فاضل افندیلرک بجایشلری اجرا اولنمشدر .
اشبو اراده سینه نك اجراسنه عدلیه ناظری مأمورددر .

۲۲ محرم سنه ۱۳۳۴ ۱۸ تشرین ثانی سنه ۱۳۳۱

محمد رشاد

عدلیه ناظری
ابراهیم
صدر اعظم
محمد سعید

* *

عدلیه و مذاهب نظارتی مستشارلغنه و کالنده بولنان هیئت تفتیشیه رئیسى یوسف کال بك تعیین اولنمشدر .
اشبو اراده سینه نك اجراسنه عدلیه ناظری مأمورددر .

۲۸ محرم ۱۳۳۴ ۲۳ تشرین ثانی ۱۳۳۱

محمد رشاد

عدلیه ناظری
ابراهیم
صدر اعظم
محمد سعید

* *

در سعادت استیناف محکمه سی مدعی* عمومى معاونلرندن محمد جودت بکک تحویل مأموریتنه مبنی یرینه
تکفور طاعی استیناف محکمه سی اعضاسندن محمد برهان الدین و تکفور طاعی استیناف محکمه سی اعضالغنه
سیواس مرکز بدایت محکمه سی حقوق دائره سی رئیسى احمد عزیز و سوریه استیناف محکمه سی اعضاسندن
جورجی افندی نك عزلیله یرینه بتلیس استیناف مدعی* عمومى معاونلکنده مسبق الحدمه بصره اسکی شام
قائم مقامی محمد عارف و اورفه بدایت محکمه سی جزا رئیسى و صاف افندی نك وفاته مبنی یرینه عینتاب
بدایت محکمه سی مدعی* عمومیسى اسماعیل حق و عینتاب بدایت محکمه سی مدعی* عمومیلکنه بهسنی
بدایت محکمه سی رئیسى علی سرى و سوریه استیناف محکمه سی مدعی* عمومى معاونلکنه کرک بدایت
محکمه سی مدعی* عمومیسى محمد علی و علاوة تشکیل اولنان حلب صلح حاکم معاونلکنه اورفه بدایت محکمه سی
اعضاسندن عبدالله نامق و بهسنی بدایت محکمه سی ریاسته بشیری بدایت محکمه سی رئیسى مصطفی سوزی
و کونان بدایت محکمه سی ریاسته خداوندکار بدایت محکمه سی اعضاسندن محمد طاهر و اسکندرون بدایت
محکمه سی ریاسته عکا بدایت محکمه سی اعضاسندن احمد وصفی و تورنوم بدایت محکمه سی مدعی* عمومیلکنه
مازکرد بدایت محکمه سی مستنطق مکتب حقوقدن مأذون رمزى و قلب بدایت محکمه سی مدعی* عمومیلکنه
سعدرد بدایت محکمه سی اعضای سابقه سندن محمد توفیق و خداوندکار بدایت محکمه سی اعضالغنه قسطنطونی

بدایت محکمه سی اعضاسندن بکر فخرى و حلب استیناف محکمه سی اعضا ملازم لکنه بیروت استیناف محکمه سی
اعضا ملازم اسبقی عثمان نوری و قره سی بدایت محکمه سی اعضاسندن اقیم افندی نك عزلیله یرینه لالا پاشا
حاکم معاونى احمد یمنی بك و افندیلر نقل و تعیین اولنمش و بیروت و حلب ولایتلری استیناف محکمه لری مدعی*
عمومیلری محمد حسیب و احمد فؤاد افندیلرک بجایشلری اجرا و مواد جنائیه سی موصل ولایتی استیناف
محکمه سنده و معاملات اتهامیه سی ده ولایت مذکوره هیئت اتهامیه سنده رؤیت اولنقی اوزره شمیدینان قضای
بدایت محکمه سنه موصل مرکز بدایت محکمه سی مرجع استیناف اتخاذا قلمشدر .
بواراده سینه نك اجراسنه عدلیه ناظری مأمورددر .

غره صفر سنه ۱۳۳۴ و ۲۶ تشرین ثانی ۱۳۳۱

محمد رشاد

عدلیه ناظری
ابراهیم
صدر اعظم
محمد سعید

* *

بتلیس استیناف محکمه سی اعضاسندن مصطفی وهبی افندی نك اسباب صحیه سنه مبنی ترک مأموریت ایتسندن
ناشی عزلیله یرینه مأذونا بتلیسده بولنان بغداد استیناف محکمه سی اعضاسندن مصطفی وصفی و دیار بکر
استیناف محکمه سی اعضاسندن ایساق افندی نك عزلیله یرینه سعد بدایت محکمه سی مدعی* عمومیسى احمد
رفت و سعرد بدایت بدایت محکمه سی مدعی* عمومیلکنه طوقاق بدایت محکمه سی رئیسى محمد فاضل و بشیری
بدایت محکمه سی ریاسته چوله مرک بدایت محکمه سی رئیسى محمد اکمل و شیروان بدایت محکمه سی رئیسى
علی رضا افندی نك عزلیله یرینه محمودی بدایت محکمه سی رئیسى عبدالقادر و اونییه بدایت محکمه سی رئیسى
احمد رشدی افندی نك وفاته مبنی یرینه لازستان بدایت محکمه سی اعضاسندن محمد تمل و حافیق بدایت محکمه سی
مدعی* عمومیلکنه سیواس بدایت محکمه سی اعضا ملازمى محمد نوری و پیکار حصار حاکم معاونلکنه قرق
کلایا سنجاغی ملحقاتی محاکمنده عندالاقضا مستنطق و طیفه سنی ایفا ایتک اوزره ایروز بدایت محکمه سی
رئیس سابقى ابراهیم حق و قسطنطونی بدایت محکمه سی اعضالغنه ماردین بدایت محکمه سی اعضای سابقه سندن
محمد مظهر و عکا بدایت محکمه سی اعضالغنه نابلس بدایت محکمه سی اعضا ملازمى محمد ادیب و ایزمیت بدایت
محکمه سی اعضاسندن خلیل نظمی افندی نك وفاته مبنی یرینه قره سی بدایت محکمه سی اعضاسندن احمد یمنی
و قره سی بدایت محکمه سی اعضالغنه قره حصار شرقی بدایت محکمه سی اعضاسندن ذکی و قره حصار شرقی
بدایت محکمه سی اعضالغنه مأذونا در سعادتده بولنان حدیده بدایت محکمه سی اعضاسندن عبدالصمد و عینتاب
بدایت محکمه سی اعضاسندن عوادیک و یحیا زار بکلیان افندیلرک عزللریله یرلرینه طلیله شهر بازار بدایت

محکمه سی مدعی عمومی محمد امین وآئنه بدایت محکمه سی اعضا سندن محمد توفیق و سینوب بدایت محکمه سی اعضا سندن انترانیک افدینک عزلیله یرینه طلیله معموره العزیز استیناف محکمه سی اعضا ملازمی احمد مدی و بغداد بدایت محکمه سی سر مستنطق محمد جمیل افدینک وفاته مبنی یرینه خراسان لوا بدایت محکمه سی مستنطق محمد سعید و رواندیز بدایت محکمه سی مستنطق محمد حق افدینک وفاته مبنی یرینه اربیل بدایت محکمه سی مستنطق حنفی و اربیل بدایت محکمه سی مستنطق کهنه حکاری بدایت محکمه سی مستنطق سابقی رشدی افدیلر نقل و تعین و بعلبک بدایت محکمه سی رئیس حسن فهمی افدی ایله سویده بدایت محکمه سی رئیس محمد ادیب و نصیبین بدایت محکمه سی مدعی عمومی کمال شکیب افدی ایله بشیری بدایت محکمه سی مدعی عمومی احمد جمیل و قارص بدایت محکمه سی مستنطق احمد طلعت افدی ایله بغچه بدایت محکمه سی مستنطق عاصم افدیلرک بجایشلری اجرا قلمش و اسباب صحیه ببناء محل مأموریتنه عزیمت ایده میه جکی آکلاشیلان ارضروم استیناف محکمه سی رئیس مصطفی نظمی و قره کلیسا بدایت محکمه سی مستنطقی احمد قدری افدیلر عزل ایدلشلردر .

بو اراده سینه نک اجراسنه عدلیه ناظری مأموردر .

۱۲ صفر سنه ۱۳۳۴ ۷ کانون اول ۱۳۳۱

محمد رشاد

عدلیه ناظری صدر اعظم
ابراهیم محمد سعید

قوانین و نظامات

۱۸ رمضان سنه ۱۲۸۶ تاریخی تجارت بریه قانونه

مذیل قانون صورتیدر

ماده : ۱ ۱۸ رمضان ۱۲۸۶ تاریخی تجارت بریه قانونه قرقنجی و قرق برنجی و قرق ایکنجی و قرق اوچنجی و قرق دردنجی و قرق بشنجی و قرق آلنجی و قرق یدنجی و قرق سکزننجی و قرق طقوزنجی و آلانجی و اللی برنجی و اللی ایکنجی ماده لری ملغادر .

مواد مذکوره موجبجه میزله حواله اولنوبده اشو ذیلک مرعیتی تاریخنده میزله حکه ربط ایدلماش

اولان دعوالرک میزله معرفتیه اکیال رؤیتنه طرفین راضی اولمدق لری حالده تابع بولوندینی محاکمه رؤیت و فصل اوله جقدر .

میزله طرفندن اعطا ایدیلوبده جانب محکمه دن تصدیق ایدلیان حکمنامه حقنده دخی فقره سابقه حکمی جاریدر .

ماده : ۲ اشبو قانون تاریخ نشرندن اعتباراً مرعیدر .

مجلس اعیان و مبعوثانجه قبول اولنان اشبو لایحه نک قانونیتی و قوانین دولته علاوه سنی اراده ایدلم .

۸ محرم ۱۳۳۴ و ۳ تشرین ثانی ۱۳۳۱

محمد رشاد

عدلیه ناظری صدر اعظم
ابراهیم محمد سعید

جمع احکانات نظامنامه سی

برنجی فصل

احکام عمومی

ماده : ۱ خدمات عمومی و محلیه و بلدیهدن اولان برایشک اجرایی ایچون و یا مدافعه ملیه و دونمای عثمانی و هلال احمر کبی منافع عمومییه خادم اولوب موجودیت و نظامنامه لری با اراده سینه مصدق جمعیتلر نامنه اوله رق هر کیم طرفندن هر نه منفعت اولور ایسه اولسون تیاترو و مسامره و ممارسات بدنیه اویونلری و اکنجه لر ترتیبی و پیانقو و سرکی تأسیس و کشادی صورتلریله و یا خود صور و وسائط سائر ایله اعانه اخذی رضا و موافقته تابع و بو خصوصده تضییق و شدت و جبر و اکراهک مادی و معنوی هر شکل ونوعی و محجوبیتی استلزام ایده جک ماهیتده معامله و مطالبه ممنوعدر .

ماده : ۲ عمومیه مخصوص محالدرده و وسائط ثقلیه دروننده قوطو طولاشدیرارق اعانه جچی یا لکنز مدافعه ملیه و دونما و هلال احمر کبی منافع عمومییه خادم و موجودیت و نظامنامه لری با اراده سینه مصدق جمعیتلر منفعتیه مخصوص اولمق اوزره رمضان و قربان بایراملرینک ایلك کونلری ایله ولادت پیغمبری و جلوس هایونه و اون تموز تاریخنه مصادف کونلرده جائزدر . ایام مذکوره ده بحث اولنان جمعیتلردن هانکیسنک منفعتیه اعانه طوبلانه جفنی حکومت محلیه نک ال بیوک ملکیه مأموری ایام مذکوره نک حلولندن مقدم تعین و تبلیغ ایدر .

ماده : ۳ برنجی و ایکنجی ماده لرده ذکر ایدیلن جمعیتلر نامنه اوله رق محلی حکومت ملکیه سنک ال بیوک مأموری طرفندن تنسیب و تعین ایدیله جک یرله اعانه قوطولری وضع و تعلیق اولنه بیلیر .

ماده : ۴ هر نه نام و منفعت اولور ایسه اولسون بر قانونه . ستمد اولقسزین اشخاص و اشیا به ویرکو و رسم طرحی صورتیه اغانه نامیه آچه و اشیا اخذی ممنوعدر .

ماده : ۵ بالعموم مأمورینک کندیلرینه مراجعت ایدن اصحاب مصالحدن اشبو نظامنامه نک تجویز ایتدیکی احواله دخی هر نه صورت و مقصدله اولور ایسه اولسون اغانه طلب و اخذ ایتلری ممنوعدر .

ماده : ۶ اغانه ترتیب و توزیع و جمع و درجی معاملاتنه پولیس و ژاندارمه و تحصیلدارلرک اشتراکی ممنوعدر .

ماده : ۷ مأمورین دولتک اشخاص حقیقیه و مؤسسات خصوصیه تدریسیه و خیریه و مذهبییه و سائر نام و منفعتنه طویلانه جق اغاناتی زیر حمایه لرینه آملری ممنوعدر .

ماده : ۸ خدمات عمومی و محلیه و بلدیهدن اولان برایش ایچون ترتیب ایدیلان اغانه نک تمامی اخذ و جمع ایدلدیجه اوایشه تشبث ممنوعدر شوقدر که خدمات محلیه و یا بلدییه ایچون جمع اولتان اغانات ترتیب و تمین ایدیلان مقداره بالغ اولمازسه سنه مالیه ختامندن مقدم و برمش اولدقلى اغانه یی استرداد ایتلری مطبوعات ایله علاقه دارانه تبلیغ اولنور . شو صورتله استرداد ایدیلان و یا اصحابی معلوم اولیان اغانات بودجه ده ایراد اوله رق قایلر .

ماده : ۹ حکومتک مساعده مخصوصه سیله سفرای اجنبیه نک تحت حمایه لرنده اوله رق امور خیریه ایچون ترتیبی متعامل اولان مسامره و اکلنجه لر اشبو نظامنامه یه تابع دکلدر .

ماده : ۱۰ خدمات عمومی و محلیه و یا بلدییه و یا خود دوئمای عثمانی و هلال احمر و امشالی جمعیتلر نام و منفعتلرینه اوله رق اشبو نظامنامه یه و جمعیات مذکوره نک نظامات مخصوصه سنه توفیقاً اغانه صورتیه جمع ایدیلن نقود و اسهام و اموال و املاکی تملک ایدن و یا ذمتنه کچیرنلر ایله اتلاف و هلاک ایلنلر حقنده اموال عمومی دولتی تملک و ذمتنه کچیرن و یا اتلاف و هلاک ایلنلره مخصوص اولان احکام جزائییه تطبیق اولنور .

ایکینجی فصل

اغانه یه لزوم و احتیاجک صورت و مرجع تقدیر و تعیین

ماده : ۱۱ خدمات عمومیهدن اولان برایشک وجوده کلسنی تأمین و یا تسهیل ایچون اهاالی اغانه اعطاسی آرزوسنده اولدقلى تحریراً حکومتیه بیان ایتدکلى حالده نه ایش ایچون نه مقدار اغانه یه لزوم اولدیغی و اغانه نک نه قدر مصرف ایله استحصال اوله جنی محلی مجلس اداره سنجه تعیین و مضبطیه ربط اولنور . اشبو مضبطیه مجلس اداره ولایت والویه غیر ملحقه ده مجلس اداره لوا طرفندن تدقیق و تصدیق ایدلدکدن صکره داخلیه نظارتنه کوندریلیر . داخلیه نظارتک اجرا ایده جکی تدقیقات نتیجه سنه کوره قبول و یا رد ایدیلرک محله تبلیغ اولنور .

ماده : ۱۲ ولایت عائد خدمات محلیه ایچون اغانه جمعی اون برنجی ماده موجبنه اهلینک مراجعت تحریریه سی واقع اولق شرطیه ماده مذکوره یه توفیقاً محلی مجلس اداره سی طرفندن تنظیم ایدیلرک مضبطه نک

مجلس عمومی ولایت و منفعت اولدیغی زمانده انجمن ولایت طرفندن تدقیق و تصدیق ایدلدکدن صکره داخلیه نظارتک تصویبیه اقتراان ایتسنه متوقفدر .

ماده : ۱۳ خدمات بلدییه نک ایفاسی مقصدیه اغانه جمعی ایچون اون برنجی ماده ده کی شرائطک وجود و تحقیق حالده ماده مذکوره و جنبه محلی بلدییه مجلسی طرفندن تنظیم اوله جق مضبطه یه او محک مجلس اداره سنجه و بعد مجلس اداره ولایتجه تدقیق و تصویب اولدقندن صکره داخلیه نظارتک تصدیقته اقتراان ایتک لازمدر .

ماده : ۱۴ خدمات عمومی و یا محلیه و بلدیهدن اولان خصوصاته و یا خود مدافعه ملیه و دوئما و هلال احمر کی منافع عمومییه خادم و موجودیت و نظامنامه لری اراده سنیه ایله مصدق جمعیتلره عائد اغانات مستثنا اولق اوزره بالعموم اشخاص و مؤسسات حقیقیه و حکمییه نک لعیات اجرایی و بیاتقو و سرکی و مسامره و عمارسات بدنییه و سائر اکلنجه لر ترتیبی صورتیه و یا مطلق صورتده اغانه جمع ایتلری ایچون اولامرده بولدقلى محک الک بیوک ملکیه مأمورینه با استدعا مراجعت ایتلری لازمدر . استدعانا مه تشبثک و اغانه نک نوع و مقداری و بیاتقو و سرکینک مدت دوامی و نزهده و کیملر معرفتیه اجرا و جمع ایدیلرک و حاصلاتک نزهیه صرف اوله جنی و اختیار ایدیلرک مصارفک مقداری و مستدعیلرک شخص و هویت و اقامتگاهلری درج ایدیلرک دکلدر .

تشبث مکتب منفعتی ایچون و یا مکتب داخلنده اجرا ایدیلرک اولدیغی حالده مکتب اداره سندن بونی تصویب ایتدیکنه دائر بر ورقه اخذ و استدعانا مه یه ربط ایدیلیر .

عیناً و یا سرکی و بیاتقویه وضع اوله رق نقده تحویل ایدلدکدن صکره بر جهت خیره تودیع اولق اوزره اشیا اخذی صورتیه اغانات جمعنده استدعانا مه طویلانه جق اشیانک جنس و نوع و مقداری دخی علاوه اوله جق قدر .

ماده : ۱۵ استدعانا مه اوزرینه عندالایجاب متشبثلرک هویتی و تشبثک لزوم وجدیتی حقنده ایجاب ایدن تحقیقات اجرا ایتدیرلدکدن و ضابطه جه محذور اولدیغی اکلاشلدقندن صکره لزوم و احتیاج تحقیق ایتدیکی حالده والی طرفندن رخصت و یریلیر .

ماده : ۱۶ مصارفی یوزده بکرمیدن فضله اولان هر نوع اغاناته حکومتجه مساعده و رخصت و یرلر .

ماده : ۱۷ هر نه نام و منفعت اولور ایسه اولسون مقابلی یعنی اکرامیه سی نقد اولان بیاتقو کشیده سی اون بر واون ایکی واون اوچ واون دردنجی واون بشنجی ماده لرده محرر معاملات اجرا ایدلدکدن صکره مجلس وکلا قراری ایله اراده سنیه شرفصادر اولسنه متوقفدر .

اوچنجی فصل

اعانات و تبرعات صورت اخذ و صرفی

- ماده : ۱۸ خدمات عمومی و یا محلیه و بلدییه عائد خصوصیات ایچون اعانه جمعنده اون بر و اون ایکی و اون اوچنجی ماده لر احکامنه توفیقاً داخلیه نظارتندن مساعده استحصال ایدلدکن صکره اعانه جمعی ایچون اولجه مراجعت تحریریه ده بولنان اشخاص میانندن منتخب اوچ و یا خود بش کشیدن مرکب بر هیئت هر محله و یا قریه ده اعانه اعطاء ایتک ایستیان اشخاصک اسامیسنی بر دفتره تحریر و ویره جکلی اعانهک نوع و مقداری اسملری خداسنه اشارت ایدرک اعانه ویره جک اولان هر شخص طرفندن آیری آیری امضا و یا تختیم اولور اشبو دفترلری اعانه بی اخذو صرف ایدرک اولان دائره طوبلایه رق اعانه ویره جکلیک اسامیسنی و ویره جکلی اعانهک نوع و مقداری مفردات وجهله احتوا ایتک اوزره عمومی بر دفتر تنظیم و اعاناتک مقدار مجموعی اشبو دفترده تعیین اورانه ایله زیری مجلس اداره و یا بلدییه جه تصدیق اولنور .
- ماده : ۱۹ ماده سابقهیه توفیقاً دفتره ادخال ایدیلن اعانات اهالی ایچون اک مساعده اولان زمان و موسمه رضا و موافقتلری اوزرینه و مهر سمی ایله مهمور دیپ قوچانلی مقبوض مقابلنده تسلیم اولنور . تودیمات و قوعبولدجه عمومی دفترده کی اسامی خداسنه اشارت اولنور نتیجه تودیمات یکونی ایله ایفا ایدلماش تمهیدات وار ایسه اسبابی مجلس اداره و اعانه بلدییه نامه ایسه بلدییه مجلسی طرفندن مذکور دفتر زیرینه تحریر و امضا اولنور .
- ماده : ۲۰ خدمات عمومی و یا محلیه و بلدییه عائد خصوصیات ایچون ویریلان اعانات بودجه قانونسه توفیقاً عمومی بودجهیه ایراد قید ایدیلیر . اداره خصوصیهیه تعلق ایدن بر خدمتک ایفاسی ایچون جمع اولنان اعانات زراعت باقچهسنه بالتودیع خصوصی بودجهک اعانات و تبرعات فصلنه و اداره بلدییه مودوع بر خدمتک ایفاسی مقصدیه جمع اولنان اعانات بلدییه و زنهسنه تسلیم و بلدییه بودجهسنه ایراد قید اولنور .
- ماده : ۲۱ عمومی بودجهیه و یا خود ولایت و بلدییه بودجهلرینه ایراد قید ایدلش اولان اعانات انجق شخص لهلری اولان خدماته صرف اولنور . صرفیاتک مذکور بودجهلردن و قوعبولان صرفیات سائریه توفیقاً و اوراق مثبتیه استناداً اجرایی لازمدر .
- ماده : ۲۲ محلیه کی اک بیوک ملکیه مأمورینک مساعده سیله غزته اداره خانه لرینک امور خیریه ایچون اعانه جمعی جائردر . بوضورتله ویریلن اعانهک مقدار و نوعی و اعانه صاحبک اسمی غزتهیه درج ایدیلرک و اعانه جمعی ختام بولدقن صکره جمع اولنان اعانات مختص لهنه تودیع و مقابلنده مقبوض استحصال ایدیلرک اعانه جمعه مساعده ایتش اولان مأموره ارانه و بر صورتی غزته ایله نشر ایدیلرک جکدر .
- ماده : ۲۳ مدافعهملیه و دونما و هلال احمر جمعیتلری ایله آتیا تشکل ایدرک بوقیل جمعیتلر ایچون

اعانه جمعک رضا و موافقته مقرون و مذکور جمعیتلرک نظامات مخصوصه لرینه موافق اولمسی و نقود و اموالک مقبوض علم و خبری و یا قیمتلی مطبوع بیلت مقابلنده تحصیل اولمسی مشروطدر . جمعیات مذکوره اعانات بیلترنی انجق کندی مسئولیتلری تحتنده توزیع و فروخت ایدر بیلوب کیفیت فروخته قومیسونجلیق صورتیه خارجدن بعض اشخاصک توسط و اشتراکی ممنوعدر .

ماده : ۲۴ اشخاص حقیقیه و حکمیه و هر نوع مؤسسات خصوصیهک امور خیریه ایچون لعیات اجرایی و مسامره و تیاترو و ممارسات بدنیه و سائر اکلیجهلر ترتیبی و بیاتقو و اعانه سرکیسی کسادی صورتیه جمع ایدر جکلی اعاناته محلیک اک بیوک ملکیه مأموری طرفندن هر درلو سوء استعمالک منعی ضمیمه تشبیک اهمیتته کوره بر و یا متعدد مأمور تعیین اولنور بق بصورتله اعانه جمعه متعلق بتون معاملات مأمورین مذکورهک تحت نظارت و مراقبه سنده اجرا ایتدیریلیر . ختام معاملاتده مأمورلرله تشبیک مرتبلی حساباتی رؤیت ایدرک مشترکاً بر مضبطه تنظیم و اعانهک مختص لهنه اعطا اولدیفنی مثبت اوراق ایله برلکده رخصت اعطا ایدن مأموره تودیع ایدرلر .

ماده : ۲۵ اون دردنچی مادهیه توفیقاً امور خیریه ایچون مطلق صورتده اعانه جمعه رخصت رسمیه استحصال ایتش اولان اشخاص حقیقیه و حکمیه و مؤسسات خصوصیه خیریه و مذهبییه و سائر انجق دیپ قوچانلی مطبوع بیلتر توزیعی صورتیه اعانه طوبلایه بیلیرلر . عیناً اشیا اخذنده اشیاک جنس و نوعی و صاحب لرجه بیان ایدیلرک قیمتلری حاوی مقبوض اعطا اولنور بیلترک جمع اولنور جمع اعانهک مقدار مجموعنه مساوی و درجانه منقسم اولمسی وقاچ غروشه مخصوص اولدیفنک بیلترله و دیپ قوچانلره مطبوع اوله رق تحریر ایدلمسی شرطدر . احضار اولنور جمع بیلترلی محلی بلدییه مجلسی بالتعداد کرک بونلری و کرک دیپ قوچانلری تختیم ایدرک عدد و قیمتلری حاوی مضبطه تنظیم ایدر . اعانه جمعی معاملاتنک ختامندن صکره صرف اولنان و اولنه میان بیلترک مقداری اولجه تنظیم ایدیلان مضبطهیه اشارت و زیری مجلس بلدییه تصدیق و تختیم ایدلدکن صکره مضبطه اعانهک مختص لهنه اعطا و یا صرف ایدلدیکنی مثبت اولان اوراق ایله برلکده اعانهیه رخصت ویرمش اولان مأموره تودیع اولنور .

ماده : ۲۶ قیمتلری اوزرلرنده محرر اولان بیلتر مقابلنده قیم محرره دن فضلله الحقه اعطاسی و اخذی جائز دکلددر .

ماده : ۲۷ یکرمی دردنچی و یکرمی بشنجی ما ده لرده تعریف اولنان اصوللر ایله اعانه جمعنده وقوع بولان سوء استعمالدن رخصت ویرن مأموره مسئول اولدیفندن بونی منع و رفع ایدرک هر درلو تدابیرک اتخاذیه مکلفدر .

ماده : ۲۸ والی و متصرفلردن استحصال ایدیلن رخصت اوزرینه جمع ایدیلن اعانات نتیجه سی محاسنلرله کی مطبوعات واسطه سیله و یا بلا بدل توزیع ایدیلرک اوراق و رسائل ایله اعلان اولنور .

دردنجی فصل

احکام جزائیه

ماده : ۲۹ اشبو نظامنامه ایله وضع ایدیلن ممنوعیتلر خلافنده ویا تعیین اولنان اصول وقواعد خارجنده اعانه تقدیر و تعیین و طلب و جمع ایدن مأمورین در حال عزل ایدیلیر و حرکتلری قانوناً جرم تشکیل ایدرسه حقلرنده تحقیقات و معامله مقتضیه قانونیه اجرا اولنور .

ماده : ۳۰ اشبو نظامنامه یه توفیقاً مساعدۀ رسمیه استحصال ایلدن اعانه جمعنه تشبث ایدنلره مساعدۀ رسمیه استحصالندن سوکره دخی رضا و موافقت خلافنده اعانه تعهد ویا تأدیه ایتدیرمک ایستیانلر همان ضابطه جه منع و متجاسرلری محکمه یه تودیع اولنور .

ماده : ۳۱ جمع اعانات تعلیماتی ایله بوبابده کی مقررات اشبو نظامنامه نك تاریخ نشرندن اعتباراً مفسوخدر .

ماده : ۳۲ اشبو نظامنامه تاریخ نشرندن اعتباراً مرعیدر .

ماده : ۳۳ بونظامنامه نك اجرای احکامنه داخلیه وعدلیه ناظرلری مأموردر .

اشبو نظامنامه نك موقع مرعیتیه وضعی و نظامات دولته علاوه سنی اراده ایلدم .

۲۸ محرم ۱۳۳۴ ۲۳ تشرین ثانی ۱۳۳۱

محمد رشاد

داخلیه ناظری و مالیه ناظر و کیلی حریبه ناظری و بحریه ناظر و کیلی شیخ الاسلام و اوقاف هایون ناظری صدر اعظم طلعت
عدلیه ناظری و شورای دولت رئیس و کیلی مدارف ناظری و پوسته و تلغراف و تلفون ناظر و کیلی خارجی ناظری محمد سعید
ابراهیم احمد شکری خلیل

نافعه ناظری عباس
تجارت و زراعت ناظری احمد نسیمی

تبلیغات عومیه

عمریه نظارت جلیله سنده ۲۸ تشریه نالی ۳۳۱ تاریخده بالعموم استیفاف مدعی

عمومیه بطریق تبلیغ ایملن خبرات عمومیه صوریندر .

اصول محاسبه عمومیه قانوننك احکام صریحه سنده کوره خدمات عمومیه دولتك ایفای قانون دائره سنده استحصال ایدلمش اولان تخصیصاته مستند بولنسی لازمه دن اولوب تخصیصاته محسوباً تنظیم ایدلمکده بولنان

حواله نامه لر خارجنده وقوع بولان صرفیاتدن طولانی صارف و مسیبلرینك مسئول طوتیه جقلری بالدفعات ایجاب ایدنلره تبلیغ و اخطار ایدلدیکی حالده ینه بعض محللرده حواله خارجی وبلا مأذونیت صرفیات اجراییله حکومت ذمتنده بورج تحقق ایتدیرلمکده اولدینی مراجعت واقعه دن اکلاشیله رق بوبابده اولنه جق معامله نك تعیین و انبای مالیه نظارت جلیله سنده یازلمش ایدی جواباً وارد اولان ۱۵ اغستوس ۳۳۱ تاریخی تذکره ده بوفیل صرفیاتك منع تکرری اسبابنك استکمالی لزومی انبا و عین زمانده اصحاب استحقاقك تسویه حقوقی دخی لابد بولنسنه مبنی طشره دواژ و محاکمجه حواله خارجی بوقیل صرفیات اولدینی وسنه لری بودجه لرنده قارشولنی موجود بولندینی تقدیرده اقتضای ایفا ایدلمك اوزره محللرنجه دیون علم و خبرلرینه درجه ابتدائیه ده تنظیم و تصدیق درجه ثانیه ده آمر اعطالرینه عاڈ بروظیفه بولندیغندن صرفیات مذکورده دن متولد دیونه دائر علم و خبرلرک بالتختیم مال صندوقلرینه اعطاسی ازار بیورلمشدر . بعدازین حواله نامه موجود اولمقسزین صرفیاتده بولنمامسی لازم کله جکی و عکس حالک موجب مسئولیت و تضمین اوله جنی صورت قطعیه ده تبلیغ رسنن سابقه یه عاڈ اولمق اوزره اوله حواله خارجی صرفیات واقع اولمش ایسه نظارت مشارالیه نك اشعاری وجه ایله دیون علم و خبرلرینك همان تنظیم و ارسالی محاسبه مدیریتی افاده سیله توصیه اولنور .

عمریه نظارت جلیله سنده و ریایه والوبه مستقده مصر فلفلریدر محکمۀ تمیز رؤسائه و دواژ مرکزی

مدیریتلرینه تبلیغ ایملن ۳۰ تشریه نالی ۳۳۱ تاریخی خبرات عمومیه صوریندر .

قره حصار شرقی اورمان مأمورلغنه تعیین ایدلمشکن احتیاط ضابطی اولمق اوزره مکتب حریبه تعلیمگاهنه جلب اولنمندن طولانی محل مأموریتنه عزیمت ایده مدیکی جهته یینه تعیین اولنان و کیله ویریلن مقداردن متباق معاشك کندیسنه اعطاسی لازم کلدیکی حالده بوندن محروم ایدلدیکنندن بحث ایله بعض افادات و مستدعیاتی حاوی احتیاط ضابط نامزدلرندن بکر صدق افندی طرفندن ویریلن عرضحال شورای دولته لدی الحواله بوبابده تجارت و زراعت نظارت جلیله سیله جریان ایدن خبریه و اجرا قلنان تدقیقاته نظر آموئی الیه بالفعل تحت سلاحه آلمه دن اول مأموریتنه تعیین ایدلمش اولدینی جهته بو تعیین کیفیت معتبر بولندینی کبی صره لری کله رک نقل و ترفیع صورتیه یکی مأموریتلره تعیین اولنانلر سلاح آلتنده بولنقدن ناشی وظیفه جدیدلرینه بدأ و مباشرت ایده مدکلری حالده حکماً ایشه باشلامش عداولنه رق معاشلرینك اکا کوره تسویه سی حقنده ۱۰ اغستوس ۳۳۱ تاریخده تعیمماً تبلیغ ایدلمش اولان قرارك مومی الیه ایله امثالنده تمثیلی طبیعی بولندیغنه دائر مالیه و نافعه دائره سیله هیأت عمومیه نك مضبطه لری صورتلری مأمورین عدلیه یه لاجل التبلیغ مدعی عمومیه لکه تودیع بیورلمق اوزره لفا کوندردلی .

عدليه نظارت جديده سنده در سعادت و دريات والويه مستقر استيناف مدعي عمومى بلكريه
تبليغ ايدلى ۷ ثانويه اول ۳۳۱ تاريخى تحريرات عموميه صورتير .

۱۳ تشرين ثاني ۳۲۹ تاريخى تحريرات عموميه ايله عدليه مقتشلكرينه توديعي بيلديريلن ايستايستيق
جداول شهرهسي يرينه مطبوع اشتغالات جداولنك اقامهسي تسيب ايدليكندن بعدازين ايستايستيق جداول
شهرهسنگ تنظيم وارسالندن صرف نظرله اشتغالات جداولرينك هرآي نهايتنده منتظماً عدليه مقتشلكرينه
تسيير ايدلسي توصيه اولتور .

عدليه نظارت جديده سنده ۱۴ ثانويه اول ۳۳۱ تاريخنده بالعموم استيناف مدعي
عمومى بلكرينه تبليغ ايدلى تحريرات عموميه صورتير .

۱۴ ميس ۳۳۱ تاريخى تحريرات عموميه يه ذيلدر . وثيقهسز اوله رق در دست ايدلى كده اولان افرادك
عددى تزايد ايدنكده اولوب بو حالك افراد مرقوميه ي خدمته قبول ايدنلر حقنسه كي حكم قانونك تماماً
تطبيقنده مجالس اداره جه تكاسل و مسامحه كوسترله سندن انبعث ايدلىكي مستغنى تذكار اولسنه بناءً بوياده
تعقيباتده بولنمسي قول اردولر اخذ عسكر هياتلري رؤاسنه تأكيداً اشعار و مأمورين ضابطه نك جلب
نظر دقتلري خصوصى داخله نظارت جليله سنه ازار قلمغله برابر اردوى هايونلر قوماندانلقرينه ده محررات
اسطار اولنديندن بحث ايله نظارتلره ده تبليغات ايفاسي لزومى حربه نظارت جليله سندن باتذكره انبا
و تعميمادواثره تبليغات اجرا قلمش اولغله نظارتلره ده اقتضاسنك ايفاسي شرفوارد اولان ۵ كانون اول سنه ۳۳۱
تاريخى تذكره ساميه صدارتپناهيده امر و ازار بيورلمش اولغله مقتضاسنه توفيق معامله اولنمسي توصيه اولتور .

محكمة تميز مغراني

محكمة تميز مغراني

محكمة تميز مغراني دائره سنده صادر اولوب ۱۱ تشرين ثاني ۳۳۱ تاريخنده قراره برطاولنايه اعظم صورتير :

« فعل جرحك تعيين ماهيتي فنه تعلق ايدوب محكمه جه قابل تقدير احوالدين اولماديغندن
مجروحك يوم محاكمه ده حاضر بولنمسي كبي احواله استناداً مشتكي نك فراغى
اوزرينه حقوق عموميه دعواسنك سقوطنه قرار ويريله من . »

طريزون ولايتي مركز بدايت محكمه سي جزا دائره سندن استينافاً صادر اولان ۲۲ اغستوس ۱۳۳۱
تاريخ و بوز يكرمي ايكي نومرولى اعلامك تميزيني مستدعي محكمه مذكوره مدعي عمومى بلكريه طرفندن ويريلن
استدعنامه و اوراق متفرعه سي باش مدعي عمومى بلك مأموريت عليه سندن باتبليغنامه محكمه تميز استدعاده اثره سنه
توديع اولنمش و لدى التدقيق مذكور استدعانامه نك مدت قانونيه سي طرفنده ويرلديكي آ كلاشيلمش اولديغندن
بالقبول تدقيقات تميزيه اجراسنه ابتدار اولندى .

اعلام مذكورك خلاصه مالى التي ي ضرب و جرح ايدلكري ادعا اولنان دلى يوركي زوجه سي كيريا كي
ايله صوفيه نك تمديد جزا رينه دائر بدايه لاحق اولان حكمك عندالاستيناف فسخيله سبق ايدن محاكمه
وتدقيقات نتيجه سنده مدعيه مزبوره التينك اون كوندن دون بر مدت طرفنده ايشيله مشغول اولديني ثابت
اولديني كبي دعواسندن دخى فراغت ايتديكنى افاده ايتمنه مبنى مظنون عيها كيريا كي و صوفيه حقلرنده كي
حقوق عموميه دعواسنك سقوطنه قرار ويرلديكي متضمندر .

تميز استدعاسنده مزبوره التي نك يكرمي بركون ايشندن و كوجندن قاله جنى طيب راپورنده كوسترلمش
ايكن برمنوال محرر قرار ويرلمسي مغاير قانون ايدوكندن بحثله اعلام استينافينك نفضى استدعا اولنمش و
تبليغنامه ده دخى اساساً شكايتمانه اعطاسيله تعقيب اولنان و اون كوندن زياده خسته لنى موجب اولمامش بولنان
ضرب و جرح جرائمندن طولايي شكايتمانه اعطاسنده دخى تعقيب دعوا دن فراغت ايله بيله جكي يوز يتمش
طقوزنجي ماده سي علاوه سنك فقره اخيره سنده محرر اولديني اوزره اقربا ييننده كي ضرب و جرحه منحصر
وطرفين ييننده بوجه محرر قرابت موجود اولماديني و شكايتمانه ويرلمش بولنديني حاله مؤخرأ تعقيب
دعوا دن فراغت حقوق عموميه نامنه اجراي تعقيباته غير مؤثر اولغله برابر مزبوره التي نك يكرمي بركون
ايشن و كوجندن قاله جنى طيب راپورنده مندرج بولنمسه نظراً مسئله ده اساساً ماده مذكوره حكمي جريان

ایتمه جکی بدیهی و ظاهر اولدینی حالدہ بروجہ محرر اعطای قرار اولنسی مخالف قانون بولنش اولمغله تمیز استدعا نامہ سنده درمیان ایدیلان اعتراضات وارد کورلمش اولدیغندن مذکور اعلامک تقضی طلب اولنمشدر. ایجاب کیفیت لدی المذاکرہ محکمہ استینافیه جہ اجرانہ ابتدار اولنان محاکمات اثناسنده جرح واقعک مشتملہ کونک اون کوندن زیادہ خستہ وایشندن قالمادینی حقندہ علی الاصول تدقیقات لازمہ اجراسیلہ آکا کورہ اتخاذ قرار اولنمق لازم کورکن فہ تعلق ایدن شوجہتک مزبورہ نک یوم محاکمہ دہ حاضر بولنسی کی احوالہ استناداً تقدیر و تعیین جہتہ کدیله رک فراغت واقعہ طولایسیلہ حقوق عمومیہ دعواسنک سقوطنہ قرار ویرلسی یولسز ومغایر اصول وقانون اولمقلہ اصول محاکمات جزائیہ قانوننک اوچیز اون دردنجی وادج یوز اون طقوزنجی مادہ لری منطوقجہ اعلام تمیز بہک نقضنہ وایکیوز غروش اعلام خرجنک بالاخرہ ایجاب ایدن طرفدن اخذینہ ۱۱ تشرین ثانی ۱۳۳۱ تاریخندہ متفقاً قرار ویرلدی .

محکمہ تمیز استدعا دائرہ سندہ صادر اولوب ۱۴ تشرینہ ثانی ۳۳۱ تاریخندہ قرارہ ربط اولننامہ اعلام صورتیدر :

« مظنون طرفندن استیناف اولنان اعلام ابتدائیک نتیجہ حکمی نهدن عبارتہ تدقیقات استینافیه آکا انحصار ایتک لازمکلیر »

اماسیہ سنجائی بدایت محکمہ سی جزا دائرہ سندن استینافاً صادر اولان ۱۰ حیران ۳۳۱ تاریخلی اعلامک تمیزینی مستدعی محکمہ مذکورہ مدعی عمومی معاونلکی طرفندن ویریلن استدعا نامہ واوراق متفرعہ سی باش مدعی عمومیلک مأموریت علیہ سندن با تبلیغنامہ محکمہ تمیز استدعا دائرہ سنہ تودیع اولنمغله لدی التدقیق مذکور استدعا نامہ نک مدت قانونیہ سی ظرفندہ اعطاقبدینی آکلاشدیغندن بالقبول تدقیقات تمیزہ اجرانہ ابتدار اولندی .

اعلام مذکورک خلاصہ مالی ابراہیم افندینک اراضیسنہ مداخلہ ایلدیکی ادعا اولنان صالحک تمدیدجزانہ دائرہ غیاباً ویریلن حکم علیہندہ اعطا ایلدیکی اعتراض استدعا نامہ سنک مرور مدتدن ناشی ردینی حاوی صادر اولان اعلام ابتدائیک عندالاستیناف فسخیلہ سبق ایدن محاکمہ وتدقیقات نتیجہ سندن طرفینک محل متازع فیہ حقندہ سند ابراز ایلدرینہ ومداخلہ واقعہ نک مبدای دخی یکریمی ایک سہ اولنہ شامل کورلسنہ مبنی حقوق محکمہ سنہ مراجعت ایدلک اوزرہ دعوی مذکورہ نک رؤیتی وظیفہ خارجندہ اولدیغنه قرار ویرلدیکی متضمندر .

لایحہ تمیزبده دعوی مذکورہ دہ تحدت ایدن مسئلہ مستأخرہ نک حقوق محکمہ سنجہ حلندن صکرہ نتیجہ حاصلہ کورہ جہت جزائیہ جہ قرار اعطاسی لازم ایکن بو جہتسندن ذہول ایدلسی مغایر قانون

ایدوکندن بختلہ اعلام استینافینک تقضی استدعا اولنمش وتبلیغنامہ دہ دخی مذکور لایحہ دہ درمیان اولنان اعتراضاتک بجا ایدوکی بیانیلہ اعلام مذکورک تقضی طلب اولنمشدر .

ایجاب کیفیت لدی المذاکرہ مظنون صالح طرفندن استیناف اولنان اعلام ابتدائیک نتیجہ حکمی مرقومک تحدید جزانہ دائرہ غیاباً صادر اولان حکم علیہندہ اعطا ایلدیکی اعتراض استدعا نامہ سنک مرور مدتدن طولانی ردینی متضمن اولسنہ نظراً تدقیقات استینافیه نک بو قرارہ انحصاری لزوم قانونیسنہ مبنی معاملات تبلیغہ نک صورت جریانی اعتباریلہ قرار مذکورک اصول وقانونہ موافق اولوب اولمادینی نقطہ سنہ حصر تدقیقات اولنمق اقتضا ایدرکن محکمہ استینافیه جہ شو صورتہ توفیق معاملہ اولنمایوبده حکم غیابی اعلامنک دخی تدقیقہ کیریشیلہ رک بروجہ محرر وظیفہ قراری اتخاذ اولنسی یولسز ومغایر اصول وقانون اولمغله اصول محاکمات جزائیہ قانوننک اوچیز اون دردنجی و اوچیز اون طقوزنجی مادہ لری منطوقجہ اعلام تمیز بہک نقضنہ وایکیوز غروش اعلام خرجنک بالاخرہ ایجاب ایدن طرفدن اخذینہ ۱۴ تشرین ثانی تاریخندہ متفقاً قرار ویرلدی .

محکمہ تمیز استدعا دائرہ سندہ صادر اولوب ۱۵ تشرینہ ثانی ۳۳۱ تاریخندہ قرارہ ربط اولننامہ اعلام صورتیدر :

« تصحیح سن حقندہ شہادت محلفہ ویاخود وثائق معتبرہ ایلہ قرار اعطا ایدیلہ بیلوب صاحب سنک ناصیہ حالنہ نظراً وحقوق عمومیہ مأمورینک طلبنہ بناءً سن تصحیحنہ قرار ویریلہ من »

اسکدار بدایت محکمہ سی حقوق دائرہ سندن صادر اولان ۱۰ تشرین اول ۳۳۱ تاریخلی والی یوز طقوزنومرولی اعلامک تمیزینی مستدعی کنعان اوغلی ادریس طرفندن ویریلن استدعا نامہ ومتفرعاتی باش مدعی عمومیلک مأموریت علیہ سندن با تبلیغنامہ محکمہ تمیز استدعا دائرہ سنہ تودیع اولنمغله لدی التدقیق مذکور استدعا نامہ نک مدت قانونیہ سی ظرفندہ ویرلدیکی آکلاشدیغندن بالقبول تدقیقات تمیزہ اجرانہ ابتدار اولندی اعلام مذکورک خلاصہ مالی مستدعی مرقوم ادریسک تصحیح سنی حقندہ اقامہ اولنان دعوانک سبق ایدن محاکمہ سی نتیجہ سندن شخصی وناصیہ حالی دلالتیلہ مرقومک تاریخ تولدینک اوچیز اون سنہ مالیہ سی اولمق اوزرہ سنک تصحیحنہ قرار ویرلدیکی متضمندر .

تمیز استدعا نامہ سندن ناصیہ حالنہ نظراً سنک تصحیحنہ قرار ویرلسی مغایر قانون ایدوکندن بختلہ اعلام مذکورک تقضی استدعا اولنمش وتبلیغنامہ دہ دخی مرقومک سبجل نفوسندہ اوچیز اون اوچ تولدلی اولدینی مقید اولسنہ ومرقوم دخی بو سنہ حیاندہ بولندیغنی اثبات ایتمش بولنسنہ وقید ایلہ اوچیز اون تاریخی ادعاسی بیندہ کی فرقہ نظراً بونک عکسنی یعنی اوچیز اون تولدلی اولدیغنی ادعا ایدن نفوس مأمورندن اسباب

ثبوتیه آرانہ رق اکا کورہ قرار ویرلمسی لزومنه قارشو مرقومک شخص وناصیہ حالی دلائلیہ اوچیوزاون تولدی اولدینی مرکزنده متخذ قرارک یولسز لغنه متدائر سرد ایدیلن اعتراضات بجا بولنش اولغله مذکور قرارک نقضی طلب اولمشدر .

ایجاب کیفیت لدی المذاکره صاحب سن ادریس کندوسنک اوچیوزاون اوچ تولدی اولدیغنه دائر تذکره عثمانیه ابراز ایتهمسنه وقید عتیق دخی بونی مؤید بولسنه نظراً تصحیح سن ادعاسی اخذ عسکر شعبه سی ریاستنک مذکره سی اوزرینه مدعی عمومی طرفندن وقوع بولسنه کوره اشبو تذکره نک خلافی ادعا ایدن مدعی عمومی شو ادعاسی نفوس قانوننک اون برنجی ماده مغدله سنده بیان اولدینی وجهله یا شهادت خلفه ویا خود وثائق معتبره ایله اثبات ایتیمی تکلیف اولنه رق تعین ایدم جک حاله کوره ایفای معامله اولنق ایجاب ایدرکن صورت مشروطیه توفیق معامله اولمایوبده صاحب سنک شخص وناصیہ حاله استناداً و حقوق عمومیہ مأمورینک طلبنه بناء سنک تصحیحنه قرار ویرلمسی یولسز ومغایر اصول وقانون اولغله اعلام میز بیک نقضنه ۱۵ تشرین ثانی ۳۳۱ تاریخنده متفقاً قرار ویرلدی .

محکمہ تمیز جزا دائره مندره صادر اولوب ۱۸ تشرین ثانی ۳۳۱ تاریخنده قراره ربط اولناہ اعلام صورته در :

« صاحب سن طرفندن خلافی ادعا اولنان نفوس قید عتیقک هیئت اختیاریه جه علی الاصول تنظیم ایدیلن علم وخبره استناداً اجرا قلندینی ثبوت بولدینی تقدیرده بونک خلافنه بینة شخصیه استماع ایدیلنه من . »

اونیه قضاسی بدایت محکمه سی حقوق دائره سندن صادر اولان ۱۹ اغستوس ۱۳۳۱ تاریخ والی آلی نومرولی اعلامک تمیزینی مستدعی قضاء مذکور نفوس مأمورلنی طرفندن ویریلن استدعا نامه واوراق متفرعه سی باش مدعی عمومیلک مأموریت علیه سندن بتبلیغنامه محکمه تمیز استدعا دائره سنه تودیع اولغله لدی التدقیق مذکور استدعا نامه نک مدت قانونیه سی طرفنده اعطا قلندینی آکلاشیلدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی احمد اوغلی طورسونک اقامه ایلدیکی تصحیح سن دعواسنک سبق ایدن محاکمه سی نتیجه سنده مرقوم طورسونک اوچیوزاون بش تاریخنده تولد ایتدیکی شهادتله ثابت اولسندن ناشی اولوجلہ سنک تصحیحنه قرار ویرلدیکی متضمندر .

لایحه تمیزیه ده مرقومک اوچیوزاون اوچ تاریخنده تولد ایدم رک هیئت اختیاریه نک علم وخبری وشهادت اوزرینه جریده نفوسه قید ایلدیکی حاله بوکره ارانه ایلدیکی شاهدلرک افاده لرینه بناء برمنوال محرر قرار ویرلمسی مغایر قانون ایدوکنندن بخله اعلام مذکورک نقضی استدعا اولنش وتبلیغنامه ده دخی مرقومک

سن مقیدی اوچیوزاون اوچ تولدی اولوب تاریخ مذکورک شخصیه ده متناسب اولدیغندن بخله نفوس مأموری جانبندن عندالحاکمه سبق ایدن ادعا اوزرینه بیان رأی ومطالعہ اولنمایه رق بوجهتله قرار محکمه ده مسکوت عنه برافلمسی یولسز اولغله حکم مذکورک نقضی طلب اولمشدر .

ایجاب کیفیت لدی المذاکره صاحب سن طورسون طرفندن خلافی ادعا قلنان قید عتیقک هیئت اختیاریه طرفندن علی الاصول تنظیم قلنان علم وخبره استناداً اجرا قلندیغنک ثبوت وتحقیق حالده بونک خلافنه بینة شخصیه استماعنک عدم جوازی درکار اولسنه مبنی محکمه جه اجراسنه ابتدار اولنان محاکمات اثناسنده جهت مذکورہ حقنדה تدقیقات لازمه اجراسیله تعین ایدم جک حاله کوره ایفای معامله اولنق لازم کلورکن بوندن بالذہول بوجه محرر قرار اعطاسی یولسز ومغایر قانون اولغله اعلام میز بیک نقضنه ۱۸ تشرین ثانی ۳۳۱ تاریخنده متفقاً قرار ویرلدی .

محکمہ تمیز جزا دائره سی مقرراتی

محکمہ تمیز جزا دائره مندره صادر اولوب ۷ ثانویہ اول ۳۳۱ تاریخ ۳۶۰۰ نومرولی اعلام صورته در :

« شکل توصیف جرم ایله تطبیق اولنان ماده قانونیه آره سنده مطابقت بولنامسی سبب نقضدر »

دیوانیه سنجاغی بدایت محکمه سی جزا دائره سندن صادر اولان ۷ رجب ۱۳۳۳ و ۹ مایس ۳۳۱ تاریخلی ویکرمی آلی نومرولی اعلام ایله اوراق متفرعه سی باش مدعی عمومیلک مأموریت علیه سندن ۱۴ محرم ۳۳۴ و ۹ تشرین ثانی ۳۳۱ تاریخلی و اوچ بیک طقسان برنومرولی تبلیغنامه ایله ۱۱ تشرین ثانی ۳۳۱ تاریخنده محکمه تمیز جزا دائره سنه اعطا قلنشدر .

اعلام مذکورک خلاصه مالی اوچ یوز اوتوز سنه سی کانون اولی ظرفنده حله نک محابیل ناحیه سنک عواره مقاطعه سنده مقیم هاتق بن حمزه السرحان و مرقومک برادری شمرانک اغناملرینی سرقتہ تصدی و مرقوماندن شمرانی قتل وهاتق جرح ایتک وضرب واشکنجه ایله خلاف اصول توقیف اشخاصده بولنق ماده لرندن طولانی جنایتله اتهام اولنار جربوعیه مقاطعه سنده دندار اراشیسنده اقامت ایدن جبور عشرتندن عباس بن مطر وخاتونیه ده ساکن حسین بن عبد ایله فراری سرکار حاجم بن مطر و حمزه بن سرحانک وجاهاً وغیاباً اجرا قلنان محاکمه لری نتیجه سنده متهمون مرقوموندن عباس ایله حسینک لیللاً ومسلحاً مدعیلرک اغنامنی سرقتہ تشبث ایدوب مدعیلرک خبردار اولمسی کبی اسباب مانعه نک حیلولتیه فعله چیقاره مدقلری

وانحی مدعیلردن شمرانک کندولرینی تعقیب ایتمسی اوزرینه مرقوماندن عباسک مرقوم شمرانی قتل و اخیراً کلان هاتقی ده خنجرله جرح ایلدیکی و سرکار حاجک دخی مرقوماندن عباسی خلاف اصول وقانون اوله رق اوچ کون اوچ کیجه خانه سنده حبس و توقیفه و ضرب و اشکنجه ایقاعنه جرأتی ثابت اولنسیله عباس ایله حسینک مجرمیتلرینه و سرکارک عباسی توقیف ایتمسندن طولانی جنبه درجه سنده فاعلیته و ضرب و اشکنجه جهتمندن عدم مسئولیت و مرقوموندن عباسک قانون جزانک یوز یتیش دردنجی و حسینک قانون مذکورک قرق التخی وایکی یوز اون سکرنجی ماده لری احکامنه توفیقاً اون بشر سینه مدته کورکه قونلرینه و فعلی جنبه درجه سنده قالان سرکار حاجک بر سینه مدته حبسه و مرقوموندن حسینک قتل ماده سندن و دیگر متهم حمزه نک اتهام اولندی بی افعالک جمله سندن برائت لرینه ۷ مایس ۳۳۱ تاریخنده حکم اولدیغندن عبارتدره اوراق دعوی بعدالمطالعه حکم جنائی حقنده تدقیقات تمیزیه اجرا اولندقدده ذکر اولنان تبلیغنامه ده دخی بیان اولندی بی اوزده ایلک جلسه محاکمه ده متهملرک مدافعه و کالنده منلامهدی اسمنده بر ذات بولندیرلیدی حالده صوک محاکمه ده متهملردن عباسک عبدالرزاق و حسینک ده حاجی رشید افندیلر طرفلردن مدافعه لری درعهده اولنش و مومی الیه مانک نه زمان ونه صورتله وکیل تعیین ایدلک لری و صفت و صلاحیت و کالتری اکلشیه مامش و فعل قتل و جرمک مجرد متهملردن عباس طرفندن ایقاع ایدلکیکنک و سرقته تشبث فعلنک ادله ثبوتیه سی توضیح و تصریح قلمدینی کبی قتل و جرح جرمندن برائته قرار ویریلان دیگر متهم حسینک صورت تجریمی سرقته تشبثدن عبارت قالمسه نظراً شکل توصیف جرمی ایله تطبیق اولنان ماده آره سنده دخی مطابقت کوریه مامش و نواقص مسروده نقض حکمی مسبلزم بولنش اولدیغندن اصول محاکمات جزائییه قانوننک اوچ یوز اون دردنجی ماده سینه توفیقاً حکم مذکورک نقضه و احکام قانونیه دژره سنده ایفای معامله اولنق اوزره اوراقنک محله اعاده سینه وایکی یوز غروش اعلام خرجنک ایلروده حقسز چیه حق طرفدن تحصیلنه ۱۲ تشرین ثانی ۳۳۱ تاریخنده متفقاً قرار ویرلدی .

محکمہ تمیز جزا دائره سنده صادر اولان ۷ ثانویه اول ۳۳۱ تاریخ ۳۶۰۴ نومرولی اعلام صورتدره .

« سلاح آلتنه آلملردن دولای افادات مضبوطه لرینک قرائتیه اکتفا اولنان شاهدلرک افاده لرنده ذات ماده به مؤثر صورتده واقع اولان مابیت ، بولندقلری قطعات عسکریه بالتحقیق محللرنجه بالاستنباه کیفیتک استیضاحی صورتیه حل ایدلک لازمدر »

حما سنجانی بدایت محکمه سی جزا دائره سندن صادر اولان ۲۳ تموز ۳۳۱ تاریخلی ویوز اوتوز نومرولی اعلام ایله اوراق متفرعه سی باش مدعی عمومیلک مأموریت علیه سندن ۱۷ محرم ۳۳۴ و ۱۲ تشرین ثانی

۳۳۱ تاریخلی و اوچ بیک یوز اون اوچ نومرولی تبلیغنامه ایله ۱۲ تشرین ثانی ۳۳۱ تاریخنده محکمه تمیز جزا دائره سینه اعطا قلمشدر .

اعلام مذکورک خلاصه مندرجاتی همانک مناحه محله سندن حدو بن مصطفی طبلك کیفیت قتلندن طولانی جانیله متهم و غیباً محکوم بولنان شالیه محله سندن سعید بن عبدو الیونسک دردست اولنسی اوزرینه رجاءاً اجرا قلنان محاکمه سی نتیجه سنده متهم مرقومک متهوراً فعل قتل مذکورده جرأتی ثابت اولدیغندن مجرمیت و حرکتیه توافقی ایدن قانون جزانک یوز یتیش دردنجی ماده سینه توفیقاً اون بش سینه مدته کورکه قونلرینه و امر اخیر موجبجه محکومیت مذکورده سنک نصفی اولان یدی بقی سینه ۲۳ تموز ۳۳۱ تاریخنده حکم اولدیغندن عبارتدر .

محکوم علیه مرقومک لایحه تمیزیه سنده دخی شهوددن و قات ایدن حاجی علی الشامینک قرائت اولنان افاده استنطاقیه سی روولوری قصداً انداخت ایتدیکنه متدائر ایهده مرقومک افاده مذکورده سی بینلرنده موجود اولان عداوته مبتنی بولندی و دیگر شاهدلرک جمله سی فعلک قضاء وقوع بولدیغنی اخبار ایتیش اوللرینه و وکیل مدافعی طرفندن درمیان اولنان مدافعاتک اسباب ردیه سی کوسترلمدیکنه و ساره به دار اعتراضات سردیله اعلام مذکورک نقضی طلب اولنشدر .

اوراق دعوی بعدالمطالعه تدقیقات تمیزیه اجرا اولندقدده ذکر اولنان تبلیغنامه ده دخی بیان اولندی اوزره محاکمه ضبطنامه سی مندرجاتنک قسماً سؤال و جواب شکنده ضبط و تحریر ایدلش اولسی اعتباریه سطر آرلرنده بر جوق یرلرک آجیق بر قلمسی کیفیتی ضبطنامه لری تنظیمنه عائد اصول صکه مغایر و صحت مندرجاتی ایچون مطلوب اولان وثوق قانونی بی محل اولدینی کبی شاهدلردن بر قسمنک تحقیقات ابتداییه و محاکمات غیبیه سبق ایدن افاده لری بیننده وقوعندن بحث اولنان مابیت و مخالفتک ذات ماده به مؤثر و بو نقطه دن اهمیت قانونیه بی حائز اولدینی نظر دفته آلتیه رقی سلاح آلتیه آلتیه اولنش اولملرندن طولانی افاده مضبوطه لرینک قرائتیه اکتفا اولنان شهودک بولندقلری قطعاتک بالتحقیق محللرنجه بالاستنباه افاده لرینک اخذ و ضبطی و بر منوال محرر افاده لری بیننده موجود اولان مابیتک استیضاحی صورتیه حل لازمه دن ایکن تحقیقات و تبلیقات قانونیه بالا اجرا جابلرنده ویا بالاستنباه افاده لرینک اخذده امکانسزلق تحقق ایتکسزین مجرد سلاح آلتیه آلتیه اولملرندن طولانی مذکور تدقیقات و معاملاتک ایفا قلمامسی و طرفینک عشرت محلنده وائشای واقعه ده کی وضعیتلرینک استماع اولنان شهودک هر برینه تعریف ایتدیریه لری استحصال اولنه حق معلومات صحیه به کوره تقدیر و قوعات اولنق لازم کلورکن روولورک فشنک یتاغی قاریشدرلیدی صره ده آتش آلدینی تقدیرده چیقان مرینک مقتولک باشنه دکل آیاقلرینه اصابت ایتسی اقتضا ایده جکی بولنده بیان رأی و مطالعات اولنسی مغایر قانون کورلش اولدیغندن اصول محاکمات جزائییه قانوننک اوچ یوز اون دردنجی

ماده سنه توفیقاً اعلام مذکورک نقضه واحکام قانونیه دائره سنده ایفای معامله اولونقی اوزره اوراقلک محله اعاده سنه وایکیوز غروش اعلام خرجنک ایلروده حقسنز چیقہ حق طرفدن تحصیلنه ۱۴ تشرین ثانی ۳۳۱ تاریخنده متفقاً قرار ویرلدی .

محکمہ تمیز جزا دائره سنده صادر اولاره ۷ لایحه اول ۳۳۱ تاریخلی ۳۶۱۳ نومرولی اعلام صورنیر :

« مظلونک ارتکاب ایلدیکی جرم حقنده تحقیقات و محاکمات اجراسی هر نه قدر ۳۰ اغستوس ۳۳۱ تاریخلی قانونله دیوان حربه عائد ايسده جرمک تاریخ ارتکابی ۳۳۰ سنه سی اولدیغنه کوره محکمه طرفندن رؤیت دعوانک دیوان حربه عائد اولدیغنی یولنده قرار ویرلسی مخالف قانوندر »

قسطمونی ولایتی استیناف محکمه سی جزا دائره سنندن تنظیم واعطا قلنان ۹ ذی الحجه ۳۳۳ و ۵ تشرین اول ۳۳۱ تاریخلی ویوز اوتوز اوچ نومرولی اعلامک تمیزاً تدقیقی حقنده فهمی طرفندن معطی استدعاینامه ایله متفرعاتی باش مدعی عمومیک مأموریت علیه سنندن ۱۶ محرم ۳۳۴ و ۱۱ تشرین ثانی ۳۳۱ تاریخلی و اوچبیک یوز قرق بر نومرولی تبلیغنامه ایله ۱۶ تشرین ثانی ۳۳۱ تاریخنده محکمه تمیز جزا دائره سنه تودیع ایدلمکله مطالعه قلندی .

اعلام مذکورک خلاصه مالی اوچیز اوتوز سنه سی کانون نایسنک اون برنجی کونی زعفرانبونی قضاسنک بولاق قریه سنندن زائم اوغلی عسکر محمد زوجہ سی فاطمہ جبراً فعل شنیع اجراسی ماده سنندن دولای جنایتله اتهام اولنان قریه مذکورہ لی امام اوغلی فهمی بن محمد و کوک محمد اوغلی علینک اجرا قلنان محاکمه لرنده مزبورہ نک عسکر زوجہ سی اولسی حسیله ۲۶ اغستوس ۳۳۱ تاریخلی قانون موجبہ مرقومانک محاکمه لری دیوان حربه عائد اولوب محکمه نک صلاحیتی خارجنده بولدیغنه ۹ ایلول ۳۳۱ تاریخنده قرار ویرلدیکنندن عبارتدر .

مستدعینک لایحه تمیزیه سننده محکمه نک استناد ایلدیکی قانون ۳۰ اغستوس ۳۳۱ تاریخندن اعتباراً مرعی الاجرا اولوب جرم مدعا به ايسه اوچ یوز اوتوز سنه سی کانون نایسنده ایقاع ایدلمش و بر قانونک ماقبلنه شمولی ايسه تحفیف جزایی مستلزم اولسنه وابسیه بولنش ایکن بروجہ محرر قرار اتخاذده اصابت بولندیغندن بختله قرار مذکورک نقضی استدعا قلنمشدر .

تدقیقات تمیزیه اجرا اولندقدہ سالف الذکر تبلیغنامه ده دخی بیان اولندیغنی وجهله فعل مدعا به بوقیل جرائندن دولای مظلون بولنان اشخاص سقارنده اجرای تحقیقات و محاکمه نک دیوان حربله عائدیتہ دائر ۳۰ اغستوس ۳۳۱ تاریخنده نشر واعلان ایدیلان ماده قانونیه دن مقدم ایقاع ایدلسنه نظراً محکمه محلیه نک

اتخاذ ایلدیکی قرارده اصابت قانونیه کوریلہ مامش ولایحه تمیزیه ده بوجهتی متضمن اوله رق درمیان ایدیلان اعتراض بجا بولنش اولدیغندن اصول محاکمات جزائیہ قانوننک اوچیز اون دردنجی ماده سنه توفیقاً اعلام مذکورک نقضیه احکام قانونیه دائره سننده ایفای معامله اولونقی اوزره اوراقلک محله اعاده سنه وایکی یوز غروش اعلام خرجنک ایلروده حقسنز چیقہ حق طرفدن تحصیلنه ۲۱ تشرین ثانی ۳۳۱ تاریخنده متفقاً قرار ویرلدی .

محکمہ تمیز جزا دائره سنده صادر اولاره ۱۰ لایحه اول ۳۳۱ تاریخلی ۳۶۵۳ نومرولی قانون صورنیر :

« متهمک محکومیت سابقہ سی اولوب اولمادیغنیک محندن استعلامی حقنده مدعی عمومیکک سرد ایلدیکی مطالعہ به قارشی ، مدعی عمومیلر ثبوت ادعا به عائد اسباب و وسائلی استحضارده برکونا قیوده تابع اولمادقلرنه بناء ، محکمه به استعلام کیفیتہ محل اولمادیغنی طرزنده قرار ویرلسی مخالف قانوندر . »

خداوندکار ولایتی استیناف محکمه سی جزا دائره سنندن صادر اولان ۴ ذی الحجه ۳۳۳ و ۳۰ ایلول ۳۳۱ تاریخلی و اوچیز سکسان طقوز نومرولی اعلام ایله اوراق متفرعه سی باش مدعی عمومیک مأموریت علیه سنندن ۱۰ محرم ۳۳۴ و ۵ تشرین ثانی ۳۳۱ تاریخلی و اوچ بیک یکریمی درت نومرولی تبلیغنامه ایله ۷ تشرین ثانی ۳۳۱ تاریخنده محکمه تمیز جزا دائره سنه اعطا قلنمشدر .

اعلام مذکورک خلاصه مالی اوچیز اوتوز برسنه سی نایسنک اون التنجی کیجه سی کرماستینک تپه چک قریه سنندن پوماق اوغلی قدیری جرح و قتل ایلدیکی ادعا قلنمشندن دولای جنایتله اتهام اولنان قریه مذکورہ دن ملا محمد اوغلی سلیمانک اجرا قلنان محاکمه علیه سی نتیجه سننده متهم مرقومک من غیر تعمد فعل قتل مذکورہ جرائی ثابت اولدیغندن مجرمیتنه و قانون جزانک یوز یتیش دردنجی ماده سنک فقره اولاسنه توفیقاً اون بش سنه مدتلہ کورکه قولنسنه ۸ ایلول ۳۳۱ تاریخنده حکم اولندیغندن عبارتدر اوراق دعوی بعدالمطالعہ تدقیقات تمیزیه اجرا اولندقدہ تبلیغنامه ده دخی بیان اولندیغنی وجهله برنجی جلسه محاکمه ده متهم مرقومک محکومیت سابقہ سی اولوب اولمادیغنیک محندن استعلامی حقنده مدعی عمومیکک جانندن سرد اولنان مطالعہ به قارشی مدعی عمومیلر ثبوت ادعا به عائد اسباب و وسائلی استحضارده برکونه قیوده تابع اولمادقلرنندن محکمه به استعلام کیفیتہ محل اولمادیغنه قرار ویرلسی و محکومیت مذکورہ نک مدعی عمومیککجه تحقیق و وثائق قانونیه نک محکمه به اراده سی صورتیلہ تدقیق اولنسی لزومنه کوره محکمه به بونقطه دن محکومیت سابقہ نک تحدید جزا قرارینه حائر تأثیر اولدیغنی نظر دقتہ آله رق محاکمه نک تأخیری لازم کلورایکن بویولده معامله ایفای لزومندن ذہول اولنسی و آلتنجی جلسه محاکمه ده ده رؤیتہ مستنداً ادای شهادت ایدن کسانک حضور محکمه ده کی شهادت لری

خلاف حقیقت اولدیغنی قریه لرنده نقل وافاده ایلش اولدقلرینه دائر شاهد اراؤه اولنه جغندن جلبلری یولده مدافعه وکیلی طرفندن سرد اولنان طلب ختام تدقیقاتک تفهیمندن اول درمیان قلمسینه وصورت مدافعه دلائل وقرائن سائریه اقتران ایلدیکی حالدده شهود مرقومه حقنده معامله قانونیه اجرایی مقتضی وعکس قبضه مدافعه واقعه نك مردودیتته منتهی اوله جغه ونتیجه سی تقدیره معلق اولان خلاف حقیقت شهادت کیفیتک استماع شهود ایله تدقیقه ده مانع قانونی اولدیغنی بدیهی اولسنه نظراً شهود مرقومه علیهنده درمیان اولنان مدافعاتک تدقیقاتنه کیریشیله رك نتیجه حاصلیه کوره معامله قانونیه ایفای لازم کلور ایکن بولزومه دخی رعایت اولنماسی مغایر اصول وقانون کورلمش اولدیغندن اعلام مذکورک اصول محاکمات جزائییه قانوننک اوچوز اون دردنجی ماده سنه توفیقاً قضیله اوراقلک محله اعاده سنه وایکیوز غروش اعلام خرجنک ایلروده حقسنر چیقه جق طرفندن تحصیلنه ۱۰ تشرین ثانی ۳۳۱ تاریخنده متفقاً قرار ویرلدی .

محکمه تمیز جزا دائره سندن صادر اولده ۱۰ ثانیه اول ۳۳۱ تاریخنی ۳۶۵۹ نومرولی اعلام صورته .

« اعضادن بری تحقیقات استنطاقیه ائساننده مدعی عمومیلک وکالتنده بولندینی حالدده بالاخره هیئت حاکمه میاننده بولنوب رایه اشتراک ایدمه »

موش سنجاغی بدایت محکمه سی جزا دائره سندن صادر اولار ۲۴ جاذی الاول ۳۳۳ و ۶ نیشان ۳۳۰ تاریخلی ویدی نومرولی اعلامک تمیزاً تدقیقی حقنده محکمه مذکوره مدعی عمومیلکسندن معطی استدعائمه ایله اوراق متفرعه سی باش مدعی عمومیلک مأموریت علیه سندن ۱۵ محرم ۳۳۳ و ۱۰ تشرین ثانی ۳۳۱ تاریخلی و اوچیک یوز ایکی نومرولی تبلیغنامه ایله ۱۲ تشرین ثانی ۳۳۱ تاریخنده محکمه تمیز جزا دائره سنه اعطا قلمش واستدعا نامه مذکورک مدت قانونیه سی ظرفنده ویرلدیکی اکلشلمش اولغله بالقبول مطالعه اولندی . اعلام مذکورک خلاصه مندرجاتی : اوچوز یکریمی سکز سنه سی تموزینک طقوزنجی کونی موشک تورکقاک قریه لی سنجوبو قل ایلدیکی ادعا قلمسندنطولایی جنایتله متهم و غیاباً محکوم بولنان قریه مذکورده دن یوسف بن عیسانک دردست اولنسی اوزرینه وجاهاً اجرا قلنان محاکمه نتیجه سنده متهم مرقومک برائته ۵ نیشان ۳۳۰ تاریخنده قرار ویرلدیکندن عبارتدر .

محلی مدعی عمومیلکینک لایحه تمیزیه سنده دخی متهم مرقومک فعل مدعابه جراتی حقوق عمومیه نامه استماع ایدیلان شهودک علی الدرجات واقع اولان شهاداتی ومعاینه راپوری مندرجاتی مدعینک حصر عوی وشکایتی ودلائل سائر ایله ثابت اولوب مدافعه شاهدلرینک اخبارات واقعه سی ثم التدارک اولدینی اکلشلمنده بولنش اولغله حقوق عمومیه نامه مرقومک مجرمیتی طلب اولندینی حالدده محکمه محلیه جه بر منوال محرم

برائت قراری اتخاذا و مرقوم یوسقت تحقیقات استنطاقیه سنده اعضادن محمد فهمی واعضا ملازمی احمد کاظم اقدیلر مدعی عمومی وکیلی صفیله ایغای وظیفه و بیان مطالعه ایلش اولدقلری حالدده مومی الیه مانک اثنای محاکمه ده اعضا صفیله بولندیرلملری مخالف قانون ومستلزم نقض اولدیغنه دائر اعتراضات سردیله اعلام مذکورک نفعاً للقانون نقضی استدعا قلمشدر .

سالف الذکر تبلیغنامه ده دخی لایحه تمیزیه ده مرقومک فعل مدعابه اجتناساری جریان محاکمه دن متحصل اخبارات ودلائل ایله درجه ثبوتده بولنشکن برائته قرار ویرلمسی مغایر قانون اولدیغندن بختله سردایدیلان اعتراضات قرار محکمه ده موقع بحث ومذاکره قونیلهرق اسباب موجب اراؤه سی صورتیله تقدیر ماده ایدلمش اولسنه نظراً نقض حکمی مستلزم کوریه مامش اولدیغندن بختله استدعای مذکورک ردی طلب اولنشدر . اوراق سائره دعوانک دخی مطالعه سندن صوکره تدقیقات تمیزیه اجرا اولندقدده اعضادن فهمی واعضا ملازمی احمد کاظم اقدیلرک تحقیقات استنطاقیه ائساننده مدعی عمومیلک وکالتنده بولندقلری حالدده بالاخره هیئت حاکمه میاننده بولندیریلهرق رایه اشتراک ایتدیرلمش اولسنه نظراً لایحه تمیزیه ده درمیان اولنان اعتراضاتک بو جهته تعلق ایدن قسمی وارد ومستلزم نقض اولغله اصول محاکمات جزائییه قانوننک اوچوز اون بشنجی ماد سنه توفیقاً اعلام مذکورک نفعاً للقانون نقضنه ۱۴ تشرین ثانی ۳۳۱ تاریخنده متفقاً قرار ویرلدی .

محکمه تمیز جزا دائره سندن صادر اولده ۱۰ ثانیه اول ۳۳۱ تاریخنی ۳۶۶۲ نومرولی اعلام صورته :

بر اعلام هانکی نقطه دن نقض ایدلمش ایسه بو نقطه دن محاکمه یه مباشرت اولنقی لازمدر .

کرکوک سنجاغی بدایت محکمه سی جزا دائره سندن تنظیم واعطا قلنان ۲۷ اغستوس ۳۳۱ تاریخلی ویوز التمشش نومرولی اعلام ایله متفرعاتی باش مدعی عمومیلک مأموریت علیه سندن ۱۸ محرم ۳۳۴ و ۱۴ تشرین ثانی ۳۳۱ تاریخلی و اوچیک یوز قرق نومرولی تبلیغنامه ایله ۱۶ تشرین ثانی ۳۳۱ تاریخنده محکمه تمیز جزا دائره سنه تودیع ایدلمکله مطالعه قلندی .

اعلام مذکورک خلاصه مالی اوچوز یکریمی سکز سنه سی ظرفنده مصلا محله لی لطیف بن حاجی علی یی و کرکوکده ساکن غریبان شریف بن احمد واحد بن مصطفی وغریبان بر قیزی بالتصور والتصمیم قصبه خارجه کتوره رك مواقع مختلفه ده قید وبندله جبراً فعل شنیع وصورت فجیه ده قتل وکوی سنجاقلی قاسم بن حمد قصابه بالاغفال یالکزر فعل شنیع اجرا ایلدکلری ادعا قلمسندن دولایی جنایتله اتهام اولنان عرب محله لی قصاب محمود بن مالی وتوتونجی صالح رشن بن امینه نك محکومیتلرینه دائر مقدما ویریلان اعلام عندالتمیز نقض ایله اعاده قلمسینی اوزرینه اخیراً اجرا قلنان محاکمه لری نتیجه سنده متهمان مرقومانک بر طاقم

اطفال معصومه بی بالاغفال فعل شنیع اجرا ایلدکن صکره سترچرم مقصدیله قتل ایلدکلی ثابت اولدیغندن اولوجهله مجرمیتلرینه وحرکتلرینه تطابق ایدن قانون جزانک یوزیتیش دردنجی ماده سنک ایکنجی فقره سنه توفیقاً اعداملرینه ۱۲ اغستوس ۳۳۱ تاریخده حکم اولدیغندن عبارتدر .

تدقیقات تمیزیه اجرا اولندقدن سالف الذکر تبلیغنامه ده دخی بیان اولدینی وجهله اعلام سابق مرقومانه وکیل مدافع تمین قلنان یونس وحضر اقدیلرک صفت وصلاحیت وکالتلری تصریح قلنماش اولمسندن طولانی نقض ایدلمش اولسنه نظراً بو نقطه دن محاکمه یه بداء ومباشرت اولنق لازم کلورکن نقض واقعک قرار مجرمیته تأدیته ذهاب ایله او یولده اکیال محاکمه وبر منوال محرر قرار اعطا اولنسی مغایر اصول وقانون اولدیغندن اصول محاکمت جزائییه قانوننک اوچیوز اون دردنجی ماده سنه توفیقاً اعلام اخیر مذکورک دخی نقضیه احکام قانونیه دائره سنده ایفا اولنق اوزره اورانک محله اعاده سنه وایکی یوز غروش اعلام خرجنک ایلروده حقسنز حقیقه جوق طرفدن تحصیلنه ۱۷ تشرین ثانی ۳۳۱ تاریخده متفقاً قرار ویرلدی .

محکمہ تمیز جزا دائره سنده صادر اولده ۱۰ ثانونه اول ۳۳۱ تاریخ ۳۶۷۱ نومرولی اعلام صورتدر :

«محکمہ جه بالمحاکمه برائتلیه قرار ویریلن اشخاصک تکرار فاعل جرم عدایدملری جائز کلدر»

حلب ولایتی استیناف محکمہ بی جزا دائره سنندن صادر اولان ۲ اغستوس ۳۳۱ تاریخلی وقرق طقوز نومرولی اعلام ایله اوراق متفرعه سی باش مدعی عمومیلک مأموریت عایه سنندن ۲۵ محرم ۳۳۴ و ۲۱ تشرین ثانی ۳۳۱ تاریخلی و اوچ بیک ایکی یوز ایکی نومرولی تبلیغنامه ایله ۲۱ تشرین ثانی ۳۳۱ تاریخده محکمہ تمیز جزا دائره سنه اعطا قلنمشدر .

اعلام مذکورک خلاصه مالی ادلب قضاسنک معرخصرین قریه سنندن عزو بن چیزیدله بی قتل ایلدیکی ادعاسیله جنایتله متهم وغیباً محکوم ایکن دردست اولنان قریه مذکورده دن احمد بن طاهر عاشورینک وجاهاً اجرا قلنان محاکمه سی نتیجه سنده متهم مرقومک من غیر تعمد واولجه برائتلیه قرار ویریلان رفیقلری منیر و محمد فرید ایله مشترکاً فاعل مستقلی تعین ایدمه یه جک صورتده قتل مذکورده جرأتی ثابت اولغله مجرمیته وقانون جزانک یوزیتیش دردنجی و یوز سکسانجی و حین ایقاع جرمدن اون سکز یاشنی اکیال ایتمه مش اولسی جهتیله ده قرقجی ماده لرینه توفیقاً تنزیلاً تعین اولنان اون سنه کورک جزاسنک ثلثانی اولان آلتی سنه سکز آی مدته حبسنه تحویلنه ویش سنه ده ضبطیه نظارتی آلتیه آلتسنه ۱ نیشان ۳۳۱ تاریخده حکم اولدیغندن عبارتدر سالف الذکر تبلیغنامه ده دخی صورت جریان محاکمه سیله جهت تطبیقیه سنه اعتراضه محل کوریه مدیکی بیانیله اعلام مذکورک تصدیقی طلب اولنمشدر .

اوراق دعوی بعدالمطالعہ تدقیقات تمیزیه اجرا اولندقدن هر نه قدر تبلیغنامه ده اعلام مذکورک تصدیقی طلب اولنیور ایسه ده محکمہ جه بالمحاکمه برائتلیه قرار ویریلان اشخاصک تکرار فاعل جرم عدایدملری جائز اولدینی کبی مرقوم احمدک فعل قتله مدخل واشتراکی بولدینی حقسنده کی دلائل قانونیه نک قرار مجرمیته واضعاً کوسترلماش اولسی دخی مخالف قانون اولدیغندن اصول محاکمت جزائییه قانوننک اوچ یوزاون دردنجی ماده سنه توفیقاً اعلام مذکورک نقضیه احکام قانونیه دائره سنده ایفای معامله اولنق اوزره اورانک محله اعاده سنه وایکی یوز غروش اعلام خرجنک ایلروده حقسنز حقیقه جوق طرفدن تحصیلنه ۱۷ تشرین ثانی ۳۳۱ تاریخده اکثریتله قرار ویرلدی .

محکمہ تمیز جزا دائره سنده صادر اولده ۱۰ ثانونه اول ۳۳۱ تاریخ ۳۶۹۴ نومرولی اعلام صورتدر :

«مدعی عمومینک عندالمحاکمه واقع اولان ادعاسی محکمہ جه شایان قبول کورلدیکی تقدیرده اسباب موجب رده سنک قرار محله ده کوسترلسی لازمدر»

قوزان سنجانغی بدایت محکمہ سی جزا دائره سنندن صادر اولان ۱۳ تشرین اول تاریخلی و آلتیش دوت نومرولی اعلام ایله اوراق متفرعه سی باش مدعی عمومیلک مأموریت عایه سنندن ۲۸ محرم ۳۳۴ و ۲۳ تشرین ثانی ۳۳۱ تاریخلی و اوچ بیک ایکیوز سکسان دوت نومرولی تبلیغنامه ایله ۲۴ تشرین ثانی ۳۳۱ تاریخده محکمہ تمیز جزا دائره سنه اعطا قلنمشدر .

اعلام مذکورک خلاصه مندرجاتی اوچیوز اوتوز سنه سی مارتنک اون النجی کونی سیسک حاجیلر قریه سنندن خلیل اوغلی کوده علی بی تسمیم ایله وفاتنه سببیت ویردیکی ادعا قلنمسندن طولانی جنایتله اتهام اولنان مرقومک زوجہ سی نیر بنت بشیروفراری احمد اوغلی قیرعلینک وجاهاً وغیباً اجرا قلنان محاکمه لری نتیجه سنده متهمان مرقومانندن نیرک تسمیماً ومن غیر تعمد فعل مذکورده جرأتی ثابت اولدیغندن مجرمیته وقانون جزانک یوزیتیش دردنجی و حین ایقاع جرمدن اون سکز یاشنی اکیال ایتمه مش اولسی جهتیله قرقجی ماده لرلی احکامنه توفیقاً مستحق اولدینی اون بش سنه کورک جزاسنک نصفی اولان یدی یجق سنه مدته حبسنه ویش سنه ضبطیه نظارتی آلتیه آلتسنه و قیرعلینک برائتیه ۱۷ کانون ثانی ۳۳۰ تاریخده حکم اولدیغندن عبارتدر .

ذکر اولنان تبلیغنامه ده دخی مزبورده نیرک جرمنک طرز ایقاعی مصور اقرارینه مستنداً فعل مدعا بهک تعمداً ارتکاب اولدیغندن بحثله مدعی عمومی طرفندن سبق ایلین طلب اوزرینه اسباب موجب درمیانیله بیان رأی ومطالعہ اولنق مقتضی ایکن ذهول اولنسی مستلزم نقض اسبابدن اولغله اعلام مذکورک نقضی طلب اولنمشدر .

اوراق دعوی بعدالمطالعہ حکم جنائیدن طولانی تدقیقات تمیزیه اجرا اولندقدہ مدعی عمومینک عندالحاکمہ واقع اولان ادعاسی محکمہ جہ شایان قبول کورلدیکی تقدیرده اسباب موجبہ ردیہ سنک قرار محلندہ کوسہ ترمسی مقتضی ایکن مسکوت عنہ براغلمش بوده مخالف قانون بولنش اولدیغندن اصول محاکمات جزائیہ قانوننک اوچیوز اون دردنجی ماده سنہ توفیقاً حکم مذکورک نقصنه واحکام قانونیہ دائرہ سنده ایفای معاملہ اولنق اوزرہ اوراقنک محله اعاده سنہ وایکیوز غروش اعلام خرجینک ایلروده حقسنر حقیقہ جق طرفدن تحصیلنه ۲۵ تشرین ثانی ۳۳۱ تاریخندہ متفقاً قرار ویرلدی .

محکمہ تمیز مقننہ دائرہ سنده قرار

محکمہ تمیز مقننہ دائرہ سنده صادر اولوب ۲۵ اگستوس ۳۳۱ تاریخندہ قرارہ ربط اولنانه اعلام صورندہ

« منازع فیہ حقندہ مدعی علیہ طرفندن واقع اولان اقراری مدعی نک رد ایدوب ایتدیکی تدقیق اولنق لازمدر »

یوزغادقصبه سنده مقیم مہندی مرحوم دوقنور محمد افندینک مخدومی و برادری عبدالقادر افندی ورثہ سی وکیلی حسین افندی ایله یوزغادہ تابع قزلقوجہ ناحیہ سنہ مضاف جاققلر قریہ سنده ساکن قزلی اوغلی سلیمان کھیابینندہ متکون دعوائہ دائریوزغاد استیناف محکمہ سندن ۲ شباط ۳۲۸ تاریخی و اوچ عددی ایله ویریلوب مزبور حسین افندی طرفندن بحسب الاصالہ والوکالہ تمیزاً تدقیق استدعا قلنان اعلام دائرہ محفوظ اوراق عتیقہ سیلہ بعدالتوحید یالکیز مستدعینک اعتراض لایحہ سیلہ بالمطالعہ تدقیقات تمیزیه اجراسنہ ابتدار قلندی اعلام مذکور مندرجاتنہ کورہ: مومی ایہا حسین و عبدالقادر افندیلر یوزغاد بدایت محکمہ سنہ باعر فحال مراجعتلہ یوزغاد قمرہ کی درہ نام محلندہ کائن متوفی پدرلری محمد افندیدن انتقلاً متصرف اولدقلری معلوم الحدود برقطعہ طوتلغہ مرقوم سلیمان کھیاب طرفندن وقوعبولان مداخلہ نک منعی طلب ودعوی ومدعی علیہ مرقوم دخی کندوسی مدعابہ محلی سنایان علیکساندر نام کسنہ دن اشترا ایدن اغیا نامندہ برندن تفرغ ایدہ رک اوتوز سنہ دنبری بلا نزاع تصرف ایتکده اولدیغندن دعوای واقعه دہ مرور زمان بولندیغنی بیان و انبا ایللری اوزرینہ اجرا قلنان محاکمہ وتدقیقات نتیجہ سنده مدعیان مومی الیہامدن حسین افندی پدرلری طقسان بش تاریخندہ وفات ایدہ رک کندوسی اوتوز بش یاشندہ اولدیغنی عندالحاکمہ افادہ و اتیان ایلسی حسیلہ اون بش سنہ سن صباوت تنزیل اولندقدن صکرہ متبای مدت مرور زمان حدینہ بالغ اولمش اولدیغندن مرور زمان حسیلہ مدعیلرک رد دعالرینہ دائر ویریلان اعلامک مزبور حسین افندی طرفندن انقرہ استیناف محکمہ سنده تدقیق

استدعا وبر قطعه وراثت حجتی ایله برقطعه دہ تذکرہ عثمانیہ ابراز واعطا ایلمسی اوزرینہ یوم معیندہ مستأنف علیہ سلیمان کھیانک عدم اجابتہ مبنی محافظہ حقوقی ضمنندہ وکیل مسخر تعین اولندقدن و اعلام مستأنف بہک اسبات قانونیہ بناء فسخیلہ ذی الیدلک بالبنیہ اثبات اولندقدن صکرہ اجرا قلنان محاکمہ و کشف وتدقیقات نتیجہ سنده مدعابہ طوتلغک مستأنف مومی الیہک پدری متوفی محمد افندینک ملکی اولدیغنی استماع قلنان شہود معدلہ نک شہادت لریلہ ومتوفای مومی الیہک وراثتک دہ مزبوران حسین و برادری عبدالقادر افندیلرہ منحصر ایدوکی متن حجت شرعیہ مؤداسیلہ تحقق ایلدیکنندن مستأنف علیہ مرقوم سلیمان کھیانک مدعابہ طوتلغک نصف حصہ سنہ وقوعبولان مداخلہ سنک منعیہ دائر ویریلان اعلام استینافی غیابی حکمنہ مرقوم سلیمان کھیابا اعتراض مدعابہ طوتلغ اوتوز سنہ دنبر و شرآء ملکی اولوب دعوادہ مرور زمان بولندیغنی بدایہ تحقیق ایلدیکی حالہ عندالاستیناف بوجہتک تدقیق ایدلماسی مغایر قانون اولدیغندن بحالہ اعلام متعرض بہک فسختی طلب وادعا وایکی قطعه طاہو سنندی ابراز واعطا ایلسی اوزرینہ و اجرا قلنان محاکمہ وتدقیقات وجاہیہ نتیجہ سنده متعرض علیہ حسین افندینک صباوتی و مدعابہ محکک متوفی محمد افندینک ملکی اولدیغنی محاکمہ غیابیہ اثناسنندہ اصولاً ثابت اولمش و اجرا قلنان کشف ایلدہ مبرز سسندلرینک محتوی بولندیغنی حدودک مدعابہک حدود معینہ سنہ غیر موافق اولدیغنی تحقق وتظاہر ایتمش اولسنہ مبنی مدعابہ طوتلغہ متعرض مزبورک بیوجہ وقوعبولان مداخلہ سنک منعیلہ مزبوران حسین و عبدالقادر افندیلرک لزوم تصرفلرینہ دائر ویریلان اعلامک عندالتمیز بعض اسباب قانونیہ بناء نقض واعادہ اولنسی وبو اثنادہ یوزغادہ استیناف محکمہ سی تشکل ایتسی حسیلہ کیفیتک محکمہ مذکورہ جہ نقض واقعه اتباع صورتیلہ بر درجہ یہ قدر محاکمہ سی اجرا قلندقدن وشخص ثالث صقتیلہ داخل محاکمہ اولان اغیانک یوم معیندہ عدم اجابتہ مبنی اولبابدہ کی دخول فی الدعوی استدعاسیلہ مرور زمان حقندہ درمیان ایلدیکی ادعاسنک اسباب موجبہ بیانیلہ ردینہ قرار ویرلدکن صکرہ دیگر شخص ثالث عبدالقادر افندینک دخی وقوع وفاتیلہ ورثہ سی طرفندن بحسب الوکالہ ونفسندن بالاصالہ مزبور حسین افندی حضوریلہ اجرا قلنان محاکمہ و کشف وتدقیقات استینافیہ نتیجہ سنده اولبابدہ ابراز اولنان سندادہ محرر حدودک محل مذکورہ توافق ایتدیکی اخیراً اجرا قلنان کشفندن و دفتر خاقانی قیودینک کاملاً محترق اولدیغنی دہ دفتر خاقانی مأمورلغنک درکنار جوابیسندن اکلاشلمش وبو کرہ ابراز ایدیلان ویرکو قیدندن دخی کویجی بوجاغی نام محلہ بر قطعه باغک یوزغادی حکیم محمد افندی نامنہ مقید اولدیغنی تبین ایتمش ومتوفای مومی الیہک وراثتک دخی مزبور حسین افندی ایله برادری عبدالقادر افندی یہ و عبدالقادر افندینک دہ وفاتیلہ ورثہ سنہ انتقال ایلدیکی مبرز ایکی قطعه حجت شرعیہ مندرجاتندن مفہم اولسنہ ومذکور طوتلغک متوفای مومی الیہ عائد اولدیغنی اولجہ استماع اولان شہود معدلہ نک شہادتیلہ ثابت اولوب آنجق بدایہ جریان ایدن محاکمہ دہ مذکور طوتلغک نصف حصہ سنک مقدما مورثی طرفندن مستأنف علیہ سلیمان کھیابہ آلتی یوز غروش مقابلندہ صاتلیدیغنی مستأنف مزبور حسین افندی طرفندن دہ

بیان ایدلمش و ورثه دن یالکیز بریسنک دعواسی اوزرینه بعدالنبوت مدعایهک مجموعی جمله ورثه ایچون حکم اوله جفی احکام مجله اقتضاسندن بولنش ایکن عندالاستیناف مرقوم سلیمان کهیانک طوتلغک نصف حصه سنه واقع اولان مداخله سنک منعه دائر ویریلان قرار علیه بالطبع استفاده معطوف اوله رق یالکیز مرقوم سلیمان طرفندن اعتراض اولنوب دیگر طرفدن اشبو قرار علیه برکونا طرق قانونیه مراجعت ایدلماسی نصف حصه حقنده مرقوم سلیمان کهیایه برحق ملکیت بخش ایتش اولمسنه مبنی بالاخره تمامنه حکم ایدلمسنه مساع قانونی کوریه مامش اولدیغندن مرقوم سلیمان کهیانک مدعایه طوتلغک نصف حصه سنه واقع اولان مداخله سنک منعیله حسین و عبدالقادر افندی ورثه سنک لزوم تصرفلینه حکم وقرار ویرلدیکی اکللاشلمشدر مستدعی تمیز طرفندن ویریلان لایحه ده : مدعایه طوتلغی پدرینک حال حیاتنده مرقوم سلیمان صامش اولدیغنه دائر برکونا اقراری اولمادیغی کی پدینک حین وفاتنده صغیر السن اولدیغی جهته برکونا عققندن معلوماتی بولمادیغی وخصوصیله مرقوم سلیمان طوتلغی اغیا نامنده بریسنندن صاتون آلدیغی بیان ایله محکمه استینافک اقرار حقنده کی ذهابی رد ایلدیکی حالده بو جهتلرک نظر دفته آلمانسی و مذکور طوتلغک نصف حصه سنه وقوعه اولان مداخله نک منعی حقنده غیاباً اتخاذ اولنان قرار علیه کندوسنک طرق قانونیه مراجعت ایتماسی مرقوم سلیمان برکونا حق تصرف بخش ایتیه چکی درکار ایکن بونک دخی درپیش ایدلماسی مغایر قانون اولدیغندن واسباب سائرده دن بحثله اعلامک نقضی طلب واستدعا اولنمشدر .

ایجابی لدی المذاکره خصوص مدعی هر نه قدر برمنوال محرر حکم و اعلامه ربط اولنش ایسه ده مدعی علیه منازع فیه ترلای اغیادن صاتون آلدیغی بیان ایتیمکه مدعی حسین افندینک اقرار مذکورینی رد ایدوب ایتدیکی تدقیق اولنق لازم کلیرایکن بو جهتک تدقیقندن ذهول ایدلمش اولدیغی کی اقرار مذکورک برادری عبدالقادر افندی طرفندن تأیید اولندیغی تحق ایتیمکسزین عبدالقادر افندی ورثه سنه قارشو حکمی اوله مایه جغه کوره بوباید دخی تدقیقات اجرا سیله تبین ایده جک حاله کوره حکم اولنق مقتضی ایکن مزبور عبدالقادر افندینک اقرار مذکوری تأیید ایدوب ایتدیکی تدقیق اولنق سزینی عبدالقادر افندی ورثه سنه دخی تأثیر ایتدیرلسی و مقدا مدعی علیه سلیمانک مذکور نصف ترلایه مداخله سنک منعه دائر ویریلان قرار یالکیز حسین افندی حضوریه جریان ایدن محاکمه نتیجه سنده ویرلمش اولمسنه نظراً قرار مذکورک منازع فیه محلدن حسین افندینک حصه سی اولان نصفه عائد و منحصر اوله جفی و بونک حقنده حسین افندینک طرق قانونیه مراجعت ایتماسی قرار مزبورک کندی لهنده صدور ایتمسندن نشأت ایتش اوله جفی جهته قرار مذکوردن دولای حسین افندی جانبندن طرق قانونیه مراجعت اولنماسی مدعی علیه سلیمان برحق بخش ایتیه چکی درکار ایکن عکسنه قرار ویرلسی مغایر قانون اولدیغندن اصول محاکمه حقوقیه قانوننک اکیوز اوتوز ایکنجی و اکیوز قرق برنجی ماده لری موجبجه اعلام مذکورک تقضیه اکیوز قرق در دخی ماده سی حکمنه توفیقاً کیفیتک برمنوال محرر بالرؤیه اعلامه ربطی ضمننده محکمه مذکوره یه اعاده سنه وزیرده مفردات و معطیسی محرر اکیوز یتش

یدی یحق غروش مصارف تمیزیه نک ایلروده حقسز جیقه جق طرفه عائد اولمسنه ۲۵ اغستوس ۳۳۱ تاریخنده اکثریت آرا ایله قرار ویرلدی .

محکمہ تمیز حقوق دائرہ مندرہ صادر اولوب ۱۷ تشرین اول ۳۳۱ تاریخنده قراره ربط اولنانہ اعلام صورتبیر :

« شاهدلرک مدعی بھدن فضلیه اولان شھادتلری قانوناً شایان قبول دکلر »

مالیه خزینہ جلیله سی ایله قرمال قضاسنه تابع دولای اوبه قریه سنده مقیمون متوفا علی افندی ورثه سنندن مخدومی شوقی افندی ووالده سی فاطمه و زوجہ سی عایشه و کریمہ سی شاذیه خاتمر بیننده متکون دعوا یه دائر در سعادت استیناف محکمه سی حقوق قسمندن ۱۷ حیران سنه ۱۳۳۱ تاریخلی و طقسان درت عددی ایله ویریلوب خزینہ مشار الیها وکیلی طرفندن تمیزاً تدقیق اجرا قلنان اعلام باش مدعی عمومیک مأموریت علیه سنک مطالعه نامه سی آلدقدن صکره طرفینک اعتراض و جواب لایحه لر یله بالمطالعه تدقیقات تمیزیه اجرا سنه ایتدار قلندی . اعلام مذکور مندجائنه نظراً مومی الیه علی افندینک رفقای معلومه سیله برابر اوچوز طقوز سنه سنده اعشارینی در عهده و التزام ایلدیکی قضاء مذکور و ملحقاتی محصولاتندن اوئانده ظهور ایدن قولرا حبسیله مأمورین عائد سنک محو و افنا ایلدیکی مقداره عائد ضرر و زیاننک بدل التزامدن تنزیلی و کندوسیله کفلاسنک املاکنه موضوع حجزک فکی حقنده اقامه ایلدیکی دعوا یی متعاقب وفاقی وقوعیه مقامنه قائم ورثه سی مومی الیهم فاطمه خانم و رفقای محصولات مذکوره دن یالکیز باطلیجان محصولندن جمعا اون یدی بیک یوز الی درت کوفه محو و اتلاف اولندیغی ادعا و مقدار مذکور بدلنک من حیث المجموع بالغ اولدیغی یوز الی بر بیک سکز یوز طقسان سکز غروش آلتش ساتیمک بدل التزامدن تنزیله وفک حجز حقنده کی ادعا نک ردینه دائر ویریلان اعلام ابتدائینک عندالاستیناف فسخیله متوفا ی مومی الیهک محال مذکوره اعشارینی شریکی مصطفی آغا ایله مشترکاً التزام ایلدیکی آکللاشلمش اولمسندن دولای مجموع دیندن هرا یکینک مسئولیتلری لزومی اعشار نظامنامه سی احکامندن بولندیغی و شو حالده شریک مرقوم مصطفی آغایه عائد مقدار ضرر کده مجموع بدل التزامدن تنزیلی اقتضا ایتیمکه اولدیغی بالیان مبلغ مذکورک بدل التزامدن بوضوئله تنزیلی حقنده صادر اولان اعلامک مقدا تمیزاً بالتدقیق بعض اسباب قانونیه ببناء نقض و اعاده اولنسی اوزرینه تکرار جریان ایدن محاکمه و تدقیقات نتیجه سنده ملتزمان مومی الیها محمد علی افندی و مصطفی آغایه حصه اعانه داخل اولنق اوزره اوچوز اوتوز طقوز بیک اکیوز غروشه حاله ایدیلان قضاء مذکور و ملحقاتی اعشارندن آنحق یوز بیک غروشلق مقداری جبایت ایدیلوب ماعداسی قولرا مناسبتیه محو ایلدیکی اولبابده استماع اولنان شهودک شهادتیه ثابت اولمسنه و شو حالده ضرر یالکیز باطلیجان محصولنه مقصور اولیوب محصولات سائرده دن دخی ضرر و زیان وقوعه بولرق مجموع بدل التزامه نسبتله نصفی متجاوز بولندیغی آکللاشلمش

بناءً مذکور یوز الی بیک سکنز یوز طقسان سکنز غروش آلتش ساتیم مقدارنده کی ضررک بدل التزامدن تنزیه و مدعیلرک ضرر واقعدن دولای استردادنی اخیراً طلب ایلدکری اوتوز یدی بیک غروش حقنده دعوی سبق ایتمیش اولدیغندن بر شی دنیه میه جکسه دائر ویریلان قراری حاوی صادر اولان اعلامک دخی عندالتمیز استماع اولان شاهدلرک صورت شهادتی مدعینک افاده سنی حکایه دن عبارت اولدینی جهته مدار حکم اوله میه جنی امر آشکار ایکن محکمه جه بوجهت تأمل ایدلیه رک شهادت واقعیه بناء قرار ویرلمسی قانونه مخالفتندن دولای نقض واعاده اولنسی اوزرینه محکمه مذکوره جه تمیز قرارینه بالاتباع بوکره بتکرار اجرا قلنان محاکمه و تدقیقات نتیجه سنده ضرر واقمک یالکیز باطلیجان محصولنه مقصوراویوب محصولات سائرده دن ضرر وزیان وقوعه ورق یالکیز باطلیجان محصولندن تحقق ایدن یوز طقسان بیک غروش ضررک مجموع بدل التزامه نسبتله نصفی متجاوز بولدینی شهود معده لک شهادتیه ثابت اولسنه و اساس دعوی یوز الی بر بیک سکنز یوز طقسان غروش آلتش ساتیمک تنزیلی طلبندن عبارت بولنسنه بناء مستأنف وکیلک اولباده کی اعتراضاتک ردیه مبلغ مزبورک بدل التزامدن تنزیه حکم وقرار ویرلدیکی آکلاشلمشدر .

مستدعی تمیز وکیلک اعطا ایلدیکی لایحه اعتراضیه ده بدل التزام و حالیه مقابل مدعینک ادعاسی و محکمه ده کی اقراری وجهله حاصلات عشریه می درت یوز الی بیک اوچیوز اوتوز اوچ غروش اولوب بوکره اقامه و استماع اولنان شاهدک شهادتلی وجهله مقدار مذکوردن یوز طقسان بیک غروش باطلیجان محصولندن متحصل زیان تنزیل ایلدیکی صورتده حاصلات عشریه دن ایکیوز آلتش بیک اوچیوز اوتوز اوچ غروش قاله جفتدن بواعتبارله ضرر مذکور حاصلات عشریه نک نصفی تجاوز ایتدیکی جهته تنزیل بدل دعواسی مسموع اولدینی کی حاصلات عشریه دن متباقی مبالغک بدل التزامدن تنزیل اولدینی تقدیرده ده یالکیز یتش سکنز بیک سکنز یوز یکر می یدی غروش یعنی بدل التزامه نسبتله خمس مقدارنده واقع اولان ضررک بدل التزامدن تنزیلی لازم کیه جکی امر آشکار اولدینی حاله محکمه مذکوره جه بورالی حقنده تدقیقات اجرا اولنقسزین بر منوال محرر قرار ویرلمسی مغایر قانون اولدیغندن بحثه محکمه جه اعلام مذکورک نقضی و جواب لایحه سنده ده غیر وارد اولان اعتراضاتک ردیه موافق اصول و قانون اولان اعلامک تصدیقی طلب واستدعا اولنیش و مطالعه نامه مذکور مندرجاتی دخی قرار میز بهک مستند اولدینی اسباب موجه به نظراً لایحه تمیزیه ده سرد ایدیلان اعتراضات غیر وارد ایدوکی بیانندن عبارت بولنمشدر .

ایجابی مذاکره اولدقدده هر نه قدر محکمه جه خصوص مدعی بر وجه محرر قراره ربط اولنیش ایسه ده استماع اولنان شاهدلرک شهادتی مدعی بهدن فضله یه اولدینی جهته بوباده کی شهادتلی قانوناً شایان قبول اولدینی حاله قبولیه بر منوال محرر قرار ویرلمسی مخالف قانون اولدیغندن اصول محاکمه حقوقیه قانوننک ایکیوز قرق برنجی ماده سی احکامنه توفیقاً اعلام مذکورک تقضییه قانون مزبورک ایکیوز قرق دردنچی ماده سی

موجنبه کیفیتک بالرؤیه اعلامه ربطی ضمننده محکمه مذکوره یه اعاده سنه و زیرده مفردات و معطیسی کوسریلان مصارف تمیزیه نک ایلروده حقسز حقیقه جق طرفه عائد اولسنه ۱۷ تشرین اول سنه ۱۳۳۱ تاریخنده اکثریتله قرار ویرلدی .

ملکته تمیز حقوقه دائره سنده صادر اولوب ۱۸ تشرین اول ۳۳۱ تاریخنده قراره ربط اولنان اعلام صورته

« منازع فیه عقارک مواضعه عهده سنده مقید بولدینی دائره استنطاقده بیان ایدن کیسه نک اقراری حضور حا کده وقوع بولدینی جهته سند رسمی حکم و قوتنده در . »

استانبولده کراسه جیلرده مغازه سنده مقیم تجارتدن یوانا کی میخائیلیدس ایله بک اوغلنده بالغالتیده یوز طقسان طقوز نومرولی خانه ده ساکن ینا کی ولد استیلیانوس میانه سنده متکون دعویه دائر درسعادت استیناف حقوق محکمه سندن ۲۳ ایلول سنه ۳۳۱ تاریخی و یوز قرق یدی عددیه ویریلوب مرقوم یوانا کی طرفندن تمیزاً تدقیقی استدعا قلنان اعلام طرفینک اعتراض و جواب لایحه لریله برابر بالمطالعہ تدقیقات تمیزیه اجرا سنه ابتدار قلندی .

اعلام مذکور مندرجاته نظراً : مرقوم یوانا کی باعری فحال بک اوغلی بدایت محکمه سنه مراجعتله خارج عن الحاکمه احمد شکری افندی عهده سنده مواضعه مقید بولنان معلوم المواقع والحدود درت باب خانه سنک کندی عهده سنه اعاده فراغه دائر درسعادت برنجی حقوق محکمه سندن صادر اولوب استینافاً و تمیزاً تصدیقه اقران ایتک صورتیه اکتساب قطعیت ایتش اولان اعلامک دائره اجراجه اثنای تنفیذنده مذکور خانه لردن فری قریه سنده بویاجی اوغلی زقاغنده کائن اون طقوز نومرولی بر باب خانه ۱۰ ایلول سنه ۳۲۴ تاریخنده بیع صورتیه مرقوم ینا کی عهده سنه کچورلدیکی اکلایله ورق بو خانه یه عائد فقره حکمی سی اجرا ایدیه مامکده اولدیغندن بحثه اشبو خانه نک دخی کندی نامنه تصحیح قیدی خصوصه مزبور ینا کینک مجبور طوتولسنی طلب و دعوی و اولباده کی مواضعه کیفیتک دائره استنطاقده مومی الیه شکری افندی طرفندن اقرار ایدلش اولسندن ناشی عندالتمیز تصدیقه اقران ایلدیکی اکلاییلان سالف الذکر اعلامی ابراز واعطا و مدعی علیه دخی مدعی به خانیه بدل معلوم مقابلنده رسماً تفرغ ایلش اولدیغندن بالبحث مدعینک بوباده کندوسنه خصوصتی توجه ایتیه جکینی افاده و انبا ایلرلی اوزرینه جریان ایدن محاکمه و تدقیقات نتیجه سنده منازع فیه خانه اساساً مومی الیه شکری افندی عهده سنده مواضعه مقید اولوب بونکده فراغک مدعی یه اعاده سی خصوصی مبرز اعلام قطعی یه مستند اولدیغنه و شو حاله مومی الیه شکری افندینک بویله بر خانیه آخره فراغه حق قانونیسی بولنادیغنه بناء مذکور خانه نک مرقوم ینا کی عهده سنه اجرا ایدیلان فراغک فسخیه مدعی نامه تصحیحنه دائر صادر اولان اعلامک عندالاستیناف اجرا قلنان محاکمه و تدقیقاتی نتیجه سنده شکری افندینک مدار الزامی

اولان اقرار سابق مرقوم ینا کی به مؤثر اولماسنه ومواضعه دعوالرینک اثباتی تحریریه به متوقف اولوب بونکده بوضورتله ثابت اوله مامقده بولمنسه مبنی اعلام مستأنف بهک فسخيله مدعینک مدعی علیه ینا کی به قارشو بیوجه واقع اولان معارضه سنک منعه حکم وقرار ویرلدیکی اکلشلمشدر .

مستدعی تمیز طرفدن ویریلان لایحه ده بومثللو موثوق مواضعه اقرارینک مفروغله اخیر اولان اشخاصه تأثیر ایده جکی درکار ایکن بوجهتک نظر دفته آلتامسی مخالف قانون اولدیغندن وجهات سائرده دن بحثله اعلامک نقضی ولایحه جوابیه ده دخی اعتراضات مسروده نک غیروارد بولندی بیانیله ردی وموافق اصول وقانون اولان اعلام مذکورک تصدیق طاب واستدعا ایدلمشدر .

ایجاب کیفیت مذاکره اولندقدده : اعلام میز بهک مندرجاتندن منفهم اولدی اوزره منازع فیه خانه نک مواضعه عهده سنده مقید اولدیغنی احمدشکری افندیکن دائرة استنطاقده اقرار ایتدیکی اعلام استینافیده محرر اولمنسه کوره شواقرارک حضور حاکمه وقوعبولدی جهته سند رسمی حکم وقوتنده اولوب بونک مدعی علیه ینا کی به سرایت ایده بیله جکی درکاواولهرق آنجق آنجق احمدشکری افندی طرفدن مرقوم ینا کی به وقوع یولان فراغ تاریخی بالتدقیق فراغ مذکور اقراردن مقدم وقوعبولش ایسه اقرار مذکورک آندن مقدمکی زمان ایچون شخص آخره تأثیری اوله میه جنی جهته دعوی واقع نک ردینه وفراغک اقرار تاریخنندن صوکره اجرا قلندیقی تحققل ایلدیکی صورنده بوباید مدعینک اذن واجازتی منضم اولوب اولمادیقی تحققل اولهرق تبیین ایده جک حاله کوره حکم اولنقی لازم کلور ایکن اقرار مذکورک شخص ثالث اولان ینا کی به تأثیری اولمادیغندن بحثله برمنوال محرر قرار ویرلسی مخالف قانون اولدیغندن اصول محاکمه حقوقیه قانونک ایکی یوز اوتوز ایکنجی وایکی یوز قرق برنجی ماده لری احکامنه توفیقاً اعلام مذکورک نقضیه قانون مزبورک ایکی یوز قرق دردنجی ماده سی موجبجه کیفیتک اولوجهله بالرؤیه اعلامه ربطی ضمنتده محکمه مذکوره به اعاده سنه وزیرده مفرداتی ومعطیسی محرر مصارف تمیزیه نک ایلروده حقسنز چیه جق طرفه عائد اولمنسه ۱۸ تشرین اول ۳۳۱ تاریخنده اکثریتله قرار ویرلدی .

شورای دولت مضطرب لری

شورای دولت مالیه ونافعه دائره سنک ۴۰ نومرولو مضطربه سنک صورتیدر

اخیراً منحل بولنان قره حصار شرقی اورمان فن مأمورلغه تعیین اولنش ایسه ده ۲۲ تموز سنه ۳۳۰ تاریخنده نشر واعلان اولنان اراده سنیه اوزرینه احتیاط ضابطی اولمق اوزره مکتب حربیه تعلیمگاهنه جلب اولندی

جهته بالضروره محل مأموریتنه حرکت ووظیفه سنه مباشرت ایده میهرک یرینه وکیل تعیین قلنمش اولوب انجق وظیفه مأموریتنه مباشرت ایده مامسی اسباب مجبریه مبتنی اولمنسه بناء وکیلنه ویریلان مقداردن متباق معاشنک کندیسنه اعطاسی ایجابات قانونیه دن ایکن سفر برلکک اعلانندن صکره مأموریتنه تعیین اولنانلرک حق معاشدن مستفید اوله میه جقلری بیانیله معاشدن محروم ایدلدیکندن وافادات سائرده دن بحثله عین اسبابه بناء وظیفه سنه مباشرت ایده مامش اولدیغنی حالده معاشدن مستفید اولان امثالی حقنده تطبیق ایدیلان معامله نک کندیسنه ده تشمیلی استدعاسنی حاوی احتیاط ضابط نامزدلرندن بکر صدقی افندی طرفدن بالتقدیم شورای دولته حواله یوریلان عرضحال مالیه ونافعه دائره سنده قرائت وتجارت وزراعت نظارتیه مخابره اولندی . ارسال قلنان درکنارده مومی الیه بکر صدقی افندی ۲۲ تموز سنه ۳۳۰ تاریخنده قره حصار شرقی اورمان فن مأمورلغه تعیین اولنش ایسه ده کندیسنک خدمت مقصوره سنی ایفا ایتک اوزره ۵ اغستوس سنه ۳۳۰ تاریخنده مکتب حربیه به قید اولمنسه مبنی محل مأموریتنه مواصلته ایشه مباشرت ایده مامش ومومی الیهک وقوع بولان مراجعتی اوزرینه سبق ایدن استفساره جواباً مالیه نظارتندن وارد اولان تذکره ده سفر برلکک اعلانندن صکره تعیین اولنان مأمورینه معاش اعطاسی ایجاب ایتیه جکی بیلدیلمه سی اوزرینه کیفیت او وجهله مستدعی به تفهیم قلنمش اولدیغنی ومومی الیهک تکرار واقع اولان مراجعتی ونظارت مشاورالها ایله جریان ایدن مخابره اوزرینه بوبابده کی اوراق انجمن نظارتیه بالحواله اکثریتله ویریلان قرارداده مومی الیه بکر صدقی افندیکن اوج یوز اون تولدی اولمنسی اعتباریه ۲۲ تموز سنه ۳۳۰ تاریخنده شرفضادر اولان اراده سنیه موجبجه خدمت مقصوره به تابع اولمق صورتیه وظیفه عسکریه ایله مکلف اولمش ومأموریتنه تعیینی دخی عینی کونه تصادف ایش اولدیغنی اکلشلمسنه نظراً مأموریتنه تعیینی حقنده کی معامله رسمیه نک ده اول جریان ایتیش اولمنسی طبیعی وبو صورتله معاش حقندن مستفید اوله بیله جکی درکار بولنش اولدیغندن آکا کوره مومی الیه بو تاریخندن اعتباراً معاشنک اعطاسی لازم کله جکی محرر بولنش وحقوق مشاورلکندن مضطبه زیرینه یازیلان شرحده مأموریتنه تعیینی ایله اولاباده کی قانونک نشری عین کونه مصادف اولمنسی وقانونک نشر واعلانی اقدم بولمنسی اعتباریه معاشدن مستفید اوله میه جنی ومحاسبه مدیریتدن یازیلان درکنارده دخی حقوق مشاورلککنک رأینه اشتراک ایدلدیکی کوسترلش اولمنسه وبو جهت مقام نظارتیه ده تصویب اولنش بولمنسه بناء حق معاشدن مستفید اوله میه جنی مومی الیه بکر صدقی افندی به تفهیم قلندیغنی ازار اولمشدر .

ایجابی تأمل اولندی سفر برلکک اعلانی کیفیتک عسکرلکه دعوتی یعنی اسنان اربابنه حین حاجنده سلاح التنه جلب اولنه جقلری بیاندن عبارت اولوب از جمله سلاح التنه التان مأمورین معاشاتی حقنده کی ۲۴ اغستوس سنه ۳۳۰ تاریخی قانون موقتک اوچنجی ماده سنک ایکنجی فقره سنده « برسنه لک خدمت مقصوره ایله تحت سلاحه التانلر مأذون عد اولهرق مذکور مدتله طائد معاشلری تام ویریه جکدر شوقدرکه یرلرینه وکیل تعیینی لازم کلدیکی حالده معاشلرینک انجق وکیلنه ویریه جک مقدارندن ماعداسی کندیلرینه ویریه جکدر »

دینلمش و متن قانونده تخصیصاً تحت سلاحه النقی تعیری مندرج بولنش اولدیغنه نظرآ اساس اعتباریه خدمت عسکریه ایله مکلف اولان اسنان اربابنک بالفعل تحت سلاحه آلدقلمی تاریخ معتبر اولدیغندن مالیه نظارتنک سفر برلکک تاریخ اعلانندن صکره معاش ویرلامسی حقنده کی اشعاری موافق دکادر. شوالده خدمت عسکریه ایله مکلف اولان مأمورین معاشاتنک صورت تسویه واعطاسنه اساس مأمورین مذکوردهنک بالفعل تحت سلاحه جلب اولندقلمی تاریخ اولهسنه و مرمی الیه بکر صدقی افندی ۲۲ تموز سنه ۳۳۰ تاریخنده قره حصار شرقی اورمان مأموریتنه تعیین ایدلمش و ۵ اغستوس سنه ۳۳۰ تاریخنده خدمت مقصوره سنی ایفا ایتک اوزره فعلاً تحت سلاحه جلب ایدلمش بولمنسه کوره کندیسنه معاشنک و کیانه و بریلن مقدارندن ماعداسنک اعطاسی ایجاب ایده جکندن او وجهله ایفای مقتضاسنک نظارت مشار الیهایی حواله سی و امثالی حقنده ده بو اساس دائره سنده ایفای معامله اولونمسنک دوائر سائریه تعمیماً تبلیغی و کیفیتک بر کرده هیئت عمومییه تودیبی تذکر قلندی اولبایده امر فرمان حضرت من له الامر کدر .

۱۵ ذی الحجه سنه ۳۳۳ و ۱۱ تشرین سنه ۳۳۱

هیأت عمومیهدن یازیلان ذیلک صورتیدر

مالیه و نافعده دائره سنک اشبو مضبطه سی هیئت عمومیهدده قرائت اولندی .
ایجابی لدی المذاکره دائره مشارالیه قرارنده کوسترلیدیکی اوزره مومی الیه بالفعل تحت سلاحه النمدن اول مأموریتنه تعیین اولدینی جهته بو تعیین معتبر بولندینی کی صره لری کله رک نقل و ترفیع صورتیه یکی مأموریتنه تعیین اولنالر سلاح التنده بولنقدن ناشی وظیفه جدیده لرینه بدأ و مباشرت ایده مدکلای حالده حکماً ایشه باشلامش عد اولنهرق معاشلرینک آکا کوره تسویه سی حقنده مالیه و نافعده دائره سی مضبطه سنه ذیلاً هیئت عمومیهددن ۳ اغستوس ۳۳۰ تاریخنده تقدیم قلنان مضبطه نک احتوا ایلدیکی قرارک مومی الیه ایله امثالنده تشمیلی طبیعی اولمغله اودائره ده معامله اولمنسک تجارت و زراعت نظارتنه حواله سی و دوائر ساره یه تعمیماً تبلیغی تذکر قلندی اولبایده امر و فرمان حضرت من له الامر کدر .

۱۷ محرم سنه ۱۳۳۴ و ۱۲ تشرین ثانی سنه ۳۳۱

قانون عسکرین

زوائد مغضوبک ضماننه دائر

مجله نک طقوز یوز اوچنجی ماده سندن مستفاد اولدیغنه کوره زوائد مغضوب غاصب نزدنده هلاک اولمغله مضمون اولیور بوجهت نظر دفته آلمغه شایان بر مسئله اولوب نه صورتله حل اولنق لازم کله جی بوبایده کی اقوال فقهانک تبغه محتاج اولمغله بیان کیفیت ابته دار اولنور. شویله که : زیاده لک ایکی نوعدر بری زیاده منفصله متولده در که مثلاً مغضوب اولان اینک غاصب نزدنده بریاوری طوغورر اشبویاوری مغضوبدن متولد و آندن منفصلدر. دیکری زیاده متصله در که مذکور اینکک سمیروب یاغلامسی و کوزینک قره سنی احاطه ایدوب رؤیتنه مانع اولان بیاضلغک زائل اولسی کی . مذهب حنفیه کوره زیاده منفصله متولده غاصب یدنده امانت اوله رق حادث اولور حتی غاصبک صنی اولقسزین هلاک اولسه قیمتق ضامن اولماز . شافعی حضرتلری دییور که زیاده مذکور مضمون اوله رق حادث اولور زیرا اشبو زیاده ید متعدیه ده مضمون بولنقدده اولان براصلدن تولد ایتمش اولدینی جهته اصلی کی اوده مضمون اولق لازم کلیر حتی اشبو زیاده اصلی کی مغضوب منهک مالیدر . امام مشار الیه بوقاعده یی ایکی طریق ایله ایضاح ایدیور : اولاً مذکور زیاده غاصبک مباشرتیه غصب اولمنشدر چونکه غصبک تعریفی برکسنه بغیر حق اثبات ید صورتیه غیرک مالی استیلا ایتمکدر. زمان جاهلیتده اموال بوسورتله تملک اولنور و آکا غصب اطلاق اولنور ایدی شرع شریف اموال محترمه حقنده بو صورتله تملکی ابطال ایده رک غصبه ضمانی واجب قیلدی یالکز صید کی مباح اولان شیارده ید ایله تملکک حکمی باقی قالدی . شمدی اثبات ید ایله صید تملک اولندقدن صوکره دیکر کسنه انک اوزرینه اثبات ید ایتمش اولسه اوکسنه یه ضمان لازم کلدیکی کی غاصب دخی یاوری اوزرینه وضع ید ایتمش اولدیغندن انک دخی ضامن اولسی واجب اولور . ثانیاً اینکی غصب ایدن کسنه یاوریسنی تسببا غصب ایتمش دیمکدر چونکه اینکک غصبیه وقت ولادته قدر الده طوتیلیمی یاورینک غاصب یدنده حصوله سبیدر ته کیم بو کیفیت حیوان یتشدیر مکله مشغول اولانلرجه معتاد اولوب یاوری استحصالی ایچون انالری الده بولندیر لرلر بوایسسه تسبیدر و غاصب انده متعدی اولدینی جهته فعلی مباشرت منزله سنه تنزیل اولنور زیرا اموال بعضاً اتلاف ایله و بمضاده غصب ایله مضمون اولور و اتلاف خصوصنده مسبب متعدی اولدینی تقدیرده حکم ضمانده اکا مباشرت نظریله باقیلیر طریق عامده قویو قازمق ویا انسان چارپه جق صورتده بوله طاش وضع ایتک کی . غصب خصوصنده ده بویه در . مغضوبه حاصل اولان زیاده نک امانت اولوب مضمون اولدیغنک ائمه حنفیه جه دلائلی بروجه آتی بیان اولنور : ضمان غصبک واجب اولسی آنجق فعل غصبک تحققنه وابسته در چونکه سبب ضمان اودر و بوندن طولاییدر که حکم اکا مضاف قیلنور و سبب ضمان

اولماز حالوکه زوائد مغضوبه نه تسبیباً ونه مباشرة غصب موجوددر چونکه موجب ضمان اولان غصبک تعریفی مالکک یدینی ازاله ایدمک صورتده کندی ایچون اثبات یدصورتیله غیرکمالی استیلا ایتکدن عبارتدر وضمان فائت اولان برشینک یرینی طولدیرمقدر بناء علیه مغضوب منهک برشینتی افاته ایتکله ضمان لازم اولور غصبده عینی افاته ایتک یوقدر . بویله اولنجه ضمانک وجوبی مغضوب منهک افاته یدیله تحقیق ایتکده اولدینی آکلاشلمقددهدر بو حال ایسه اینکک یاوریسنده موجود دکدر چونکه افاته مغضوب منهک یدنده بولنان شیدن ازاله یدی ویدنده بولنیمان شیدن ده انی اخذ ایتک امکاتی ازاله ایله حاصل اولور بوزاغی ایسه غاصبک آخورنده طوغوب بیومش اولدینی جهته اصلاً مالکک یدنده بولنماش و غاصب مانع اولمدیچه انی اخذ ایتک امکاتی زائل اولمامشدر . بناء علیه مغضوب مذکور بوزاغینک ردینی طلب ایتدیجه سبب ضمان موجود اولماقله بوزاغی مضمون اولماز . اما مغضوب منهک ردینی طلب ایدوبده غاصب ممانعت ایدمک اولور ایسه صاحبک قصریدی سببیه افاته تحقیق ایدر و بوزاغی غاصب اوزرینه مضمون اولور نته کم قورومتق ایچون بغچه یه آصیلان اثوابی روزکار آلوب دیگرکمهسک اوینه ویابغچهسنه آتمش اولسه صاحبک طلبی اوزرینه دیگر کمنه طرفندن ممانعت وقوعبولمدیچه اثوابدن طولای آکا ضمان لازم کلز زیاده مغضوبده طبق بونک کبی در . موجب تملک اولان استیلا بونک خلافتدهدر چونکه تملک حکم مقصود اولسنه نظراً محل تملک اوزرنده اثبات یدایله سببی تمام اولور ضمان ایسه مالکک ضایع اولان حقی ادادن عبارت اولمغله انک برشینتی افاته اولمدیچه تمام اولماز زیادهک اصل مضموندن تولدی ایله آنده حکم ضمان اثبات ایچون وجه یوقدر زیرا ضمان عینده دکل بلکه غاصبک ذمتدهدر ضمانک عینه صفت اولسی مجازیدر حالوکه ملک بویله اولیوب بلکه حقیقه محکم صفتی اولور و بو صفت یاوریده تجاوز ایدر . اگر غاصب بوزاغی صاهرق مشتری یه تسلیم ایدر ایسه امانته تعدی ایتش اولدینی جهته ودیعه بی ساتان مودع کبی یاورینک قیمتی ضامن اولور . اگر بیع وتسلیم خصوصنده مالکک یاوریدن افاته یدی حاصل اولدینی حالده غاصبندن طولای ضمان لازم کلیور دینیلور ایسه بوکا قارشو بیع وتسلیمده افاته ید وارددر چونکه مغضوب منه یاورینی غاصبدن آله بیلیر ایدی فقط بیع وتسلیم ایله بو امکان زائل اولور دییه جواب ویریلور . زیاده متصله یه کلنجه : ائمه حنفیه عندنده اشبو زیاده غاصب یدنده امانتدر حتی مغضوب برطای اولوبده بیویهرک آت اولدقدن صوکره هلاک اولسه غاصب آتک طای ایکن زمان غصبده کی قیمتی ندن عبارت ایدیه آتی ضامن اولور زیاده بی ضامن اولماز . اما شافعی عندنده زیاده منفصله کبی زیاده متصله دخی مضموندر امام مشارالیهک بو خصوصده کی قوی زیاده منفصله خصوصنده کی قولندن دها اظهار اولدینی ظن اولنور زیرا زیاده یدغاصبده واقع اولمغله مغضوب عداولنور وزیادهک اصلدن منفک اولماز بناء علیه آخذک اصل اوزرنده کی یدینک ید غصب اولسنک ضرور یاتندن اولهرق زیاده اوزرنده کی یدی دخی ید غصب عد اولنور لکن حنفیه دیورکه اصلده ضمانی ایجاب ایدن سبب ید غصب دکل بلکه ید غاصبهدر . چونکه ید غصب عین

غصب حکمندهدر ضمان ایسه اصل سبیه اضافه اولنور حکمنه اضافه اولتماز اصل سبب مالکک یدینی ازاله ایدن ید غاصبهدر بوده زیادهده موجود دکدر . اگر غاصب بعدالمطالبه تزايد ایتش اولان اشبو منصوبی صاحبه اعاده ایتکدن امتناع ایلر ایسه بر روایت کوره شو ممانعت سببیه زیادهک مضمون اولور چونکه مالکک قصریدی انحق اووقت ثابت اولور دیگر بر روایت کوره مضمون اولماز زیرا اصلدن آیری اولهرق زیادهک مطالبه می تحقیق ایتمز واصلدن آیری اولهرق زیادهک ردی تصور اولنه ماز . اصل مذکور غاصب طرفندن ممانعت وقوعنه حاجت اولقسزین مضمون اولدیفندن آنک حقیقه ممانعت معتبر دکدر . ایشته بوندن طولای زیاده متصله بعدالطلب واقع اولان ممانعت سببیه مضمون اولماز فقط زیاده منفصله عین سبب ایله مضمون اولور . بو اختلافک نتیجه بی شو اولیورکه مغضوب اینکک بدننده برکونه زیادهک اولقسزین قیمتی تزايد ایتکدن صوکره هلاک اولسه مذهب حنفی یه کوره غاصب آنحق اینکک وقت غصبده کی قیمتی تضمین ایدر شافعی عندنده وقت هلاکده کی قیمتی تضمین ایلر چونکه شافعی عندنده معتبر اولان اصله نظراً سبب ضمان اثبات یددن عبارتدر وید دوام ایتدیجه آکا انشا حکمی ویریلر شو حالده بو طریق ایله وقت هلاکده غاصب فعل غصبی تجدید ایتش عد اولنور . ابوحنیفه عندنده ایسه سبب وجوب ضمان مالکک یدینی افاته ایتکدر بوده غصبه ابتدار ایله حاصل اولور و بو حالده مغضوبک اووقته کی قیمتی معتبر اولور زیاده متصله سببیه قیمتی ایکی بیک غروشه بالغ اولان مذکور اینکی غاصب آخره بیع وتسلیم ایلدیکی واینک مشتری یدنده تلف اولدقدن صوکره صاحبی کلدیکی وقت بخیر اولور دیلر ایسه مشتری یه عینی قبض ایتدیکی کون قیمتی هر نه ایدی ایسه آتی تضمین ایتدیرر و دیلر سه آتیده بیان اولنان صورتده غاصبه تضمین ایتدیرر زیرا مشتری نفسی ایچون تملک طریقله اینکی قبض ایتش اولسندنناشی متعیددر چونکه بالاده بیان ایتدیکنز وجهله مغضوب منه اینکی غاصبدن استرداد مقتدر ایکن مشتری نفسی ایچون تملک طریقله قبضی سببیه بواققدار زائل اولمش اولدیفندن حال قبضنده مغضوبک قیمتی نه ایسه آتی ضامن اولور . قیمت مذکوره ایسه ایکی بیک غروشددر . بوخصوص اینکک قیمتی تزايد ایتکدن صوکره غاصب اولدیفندن ایکنجی برغاصبک آتی غصب ایلسنه ممانتدر . بوبابده دخی مالکک غاصب ثانی یه اینکک زمان غصبده کی قیمتی تضمینه حق وارددر و بو حقی ایکی طریق ایله استیفا ایدر . بونردن برنجیسی شو بیان ایتدیکنز صورتدر . ایکنجیسی مغضوبه منه غاصب ثانیکن تضمینی اختیار ایتکله غاصب اولی ابرا ایتش اولمقددر و بوندن طولای آرتق غاصب اوله قیمتی تضمین ایتدیره من و بو ابرا سببیه غاصب اولک یدی مالکک یدی کبی اولور و غاصب ثانی حکماً ید مذکوره یی ازاله ایتش اولدیفنه بناء غاصب اوله قارشو قیمت مذکوره یی ضامن اولور . مالک مال مغضوبک قیمتی بایعه تضمین ایتدیرمک جهتی اختیار ایلدیکی حالده دیلر سه اینکک وقت غصبده کی قیمتی اولان بیک غروشی و دیلر سه زمان بیع وتسلیمده کی قیمتی اولان ایکی بیک غروشی آکا تضمین ایتدیرر . ائمه حنفیه دن حسن بن زیادک ابوحنیفه دن وابن سباعهک محمدن و آنکده کذا ابوحنیفه دن روایتلرینه کوره مالکک مال مغضوبک

بیع و تسلیم زماننده کی قیمتی غاصبدن طلب و استیفای حق یوقدر . امامین قولنه مستند اولان ظاهر روایتک وجهی زیاده لکک یدغاصبه امانت اولورق حصولی و غاصبک بیع و تسلیم ایله امانته تعدی ایلسیدر بناء علیه حاصل اولان زیاده لک ایله برابر مغضوبی ضامن اولور نته کیم زیاده لک منفصل اولسه و زیاده لکک حدوشندن سوکره غاصب مغضوبی اتلاف ایلسه حکم ینه بویه در . چونکه غاصب طرفدن موجب ضمان اولان ایکی سبب احداث اولمشدر . بونلرک بری غصب و دیگری بیعک اقتضا ایتدیکی تسلیمدر . بوضورته بعد الغصب اتلاف خصوصنده اولدینی کی مالک شو ایکی سیدن هانکیسیله اولورسه اولسون غاصبدن تضمینات آلور . بونک تحقیق بابنده دینلیورکه بیع و تسلیم استهلاکدر کورمز میسکرکه بر کسسه بر انسانک یدنده بولان بر عینی دعوی و فلانک آنی کندیسنه بیع و تسلیم ایتدیکنه دائر اقامه ینه ایتش اولسه قاضی شاهدلرک مالک متعلق اولان شهادتلی وجهله مدعی هک ملکی مدعی عائد اولدینه حکم ایدر . دیمک اولیورکه غاصب مال مغضوبی بیع و تسلیم ایتکله بر سببه ابتدار ایتشدر که مشتری اولان شخص اوسبی بالینه اثبات ایتش اولدینی تقدیردر . میعک مشتری مالکته داخل اولدینه قاضی حکم ایدر بوایسه مغضوب منک مالکینی حکماً استهلاک ایتکدر استهلاک بعد الغصب تحقق ایدرک سبب ضمان اولور . ابوحنیفه نک بوخصوص حقنده کی قولنک وجهی شودر که ضمان بیع و تسلیم ضمان غصب دیمک اولوب ایکی سیدن دولای غصب ذاناً مقصود اولان شیده تحقق ایتمز : شویله که اولاموجب ضمان اولان غصب آنحق مالکک افاته یدیلله حاصل اولغله شخص واحد طرفدن افاته بعد الاقامه ممکن اولماز ثانیاً اسباب احکام ایچون مطلوبدر شخص واحد طرفدن غصبک محل واحد تکراری برشی افاده ایدمه جکندن فصل که ثمن واحد ایله بیعک تکراری حائر اعتبار دکل ایسه اودخی معتبر دکدر . ضمان بیع و تسلیمک ضمان غصبدن عبارت اولدینک سبب تحقیق غصبدن سوکره اولدینی کی غاصبک بیعندن سوکرده مالکک مغضوبده مالکینک باقی قالمسیدر . استهلاک یا حقیقه عینک افاته سیله و یا خود حکماً آند مالکک افاته سیله حاصل اولور بوخصوصده بویه برشی غیر موجوددر . بونک دلیلی حر اولان بر آدمک غصب ایله مضمون اولدینی کی بیع و تسلیم ایله ده مضمون اولماسیدر . حالوکه حر اولان بر آدم اتلاف ایله مضمون اولور کذلک عقار ابوحنیفه یه و ابو یوسفک قول اخیرینه کوره غصب ایله مضمون اولدینی کی بیع و تسلیم ایله ده مضمون اولماز فقط اتلاف ایله مضمون اولور . ایمدی بوقاعده ثابت اولتجه امام اعظم قولنک خلافی التزام ایدن فقها دیورلر که سبب ثانیکن اصل مغضوبده معتبر اولسی ممکن اولماز زیرا آنفاً بیان اولدینی اوزره حکم اولک بقاسیله برابر غصب بعد الغصب تحقق ایتمز و غصب اول ایله ثابت اولان حکم ضمانی غاصبک فعلیه ابطال ایچون بوجه یوقدر ضمانی مسقط اولان شی مغضوبک یدمالکه اعاده سیله غاصبک فعانی فسخ ایتکدر یوقسه یکیدن بر غصب احداث ایتک دکدر کذلک زیاده ده سبب ثانی ی معتبر طوتمق ایچون بوجه یوقدر چونکه زیاده اصله تابع اولغله اصله ثابت اولسیان بر حکم فرعه ده ثابت اولماز و برده زیاده متصله آیر یجه غصب اولنه مدینی جهته آیر یجه ضمان غصب ایله مضمون اولماز غاصب غصب سببیه اصلی تضمین ایتسیله او وقتدن اعتباراً زیاده سیله برابر اصله مالک اولور و بوضورته غاصبک کندی مالی

بیع ایتش اولدینی تبیین ایدر و بوندن ناشی بیی نافذ اولور و بر کسسه نک کندی ملکینی بیع ایتش اولسندن طولانی آکا ضمان لازم کلز . اگر مغضوب منه مغضوبک قیمتی مشتری یه تضمین ایتدیر ملکینی اختیار ایلرسه بیع باطل اولور و مشتری ثمن ایله غاصبه مراجعت ایدر چرنکه غاصبدن قیمتک استرداد عینی استرداد کیدر . عینک ملکینی مشتری یه عائد اولسی بیع سببیه دکل آنحق قیمتک تضمینی صورتیله واقع اولمش و ثمن دخی بایله عائد بولنماش اولغله مشتری استرداد ایلر .

بالاده سرد ایدیلن ایضا حادتن زوائد مغضوبک ضمانی حقنده ائمه بیتنده کی اختلافک باشلیجه سی ابوحنیفه ایله شافعی بیتنده تکیون ایتش اولوب بوایکی قولدن هانکیسینک مقتضیات زمانه موافق اولدینی تعییندن عاجزم فقط مقام جلیل مشیختپناهی ایله عدلیه نظارت جلیله سنک بومسئله ایله اشتغال ایدره مکنتضای زمانه کوره ایکی قولدن برینی اختیار صورتیله ماده مذکوره نک تعدیلی حقنده بر لایحه قانونیه قلمه آلتش اولدینی واصل صباخ سرور اولمشدر .

محکمه تمیز رئیس اولی

عثمانه

مذرجات

۲۰ تشرین ثانی — ۱۳۳۱

قسم رسمی

صیغه
نومروسی

۱۲ قانون اول ۳۳۱ ۷۰۸۹

» » » ۱۴

۷۰۹۰ » » ۱۷

۷۰۹۱ » » ۲۸

» » » ۲۴ قانون ثانی

۷۰۹۲ » » ۵

» » » ۱۰

۷۰۹۳ » » ۱۴

» » » ۱۶

۷۰۹۴ » » ۱۶

» » » ۱۸

۷۰۹۵ ۳۳۱ اول ۲۲ قانون اول { آلمانیا حکومتدن آوانس اخدی مأذونیتته
داثر قانون

» » » ۲۳ هیئت تفتیشیه نظامنامه سی

(۱) —

(۲) —

(۳) —

(۴) —

(۵) —

(۶) —

(۷) —

(۸) —

(۹) —

(۱۰) —

(۱۱) —

(۱) —

(۲) —

نومبریات عدلیه

» »

» »

» »

» »

» »

» »

» »

» »

» »

» »

قوانین و نظامات

» »

۷۱۰۲ ۳۳۱ ثانی ۲۱ — (۱) خسته مأمور لر حقنده

(۲) رژی مأمورلرینک اسلحه سنه داتر ۱۴ کانون ثانی » »

(۳) مأذونیتی ختام بولان حکام ومأمورین حقنده ۱۶ کانون اول ۷۱۰۳

(۴) مرکز مأمورینلرندن تباعد ایدن مفتش لک
قطع ایده جکری مسافات خرج راهلری
۲۴ کانون اول » » حقنده

(۵) رؤسای مأمورین ملکیه به ویریلن اخبار
نامهلرله اوراق اشتکائییه حقنده ۲۴ » » ۷۱۰۴

(۶) وثیقه عسکریه سی اولمایان مأمورلر حقنده ۲۱ » » ۷۱۰۵

(۷) روم ایلی مهاجرلرینک وکالتنامه لری حقنده ۲۱ » »

محکمہ تمیز استدعا دائره سی مقرانی — (۱) محکمه ایله مستنطق بیننده کی اختلافک حلی ۱۹ کانون اول » »

(۲) اورمان تخریباتی دعوالرینک مراجع رژی ۲۲ » » ۷۱۰۶

(۳) اورمان اداره سی طرفندن قائم مقاملغه
ویریلن مذکره نک استدعا ی شخصی به
لرزم بر اقادینی حقنده ۲۳ » » ۷۱۰۷

(۴) اورمان دعوالرینک محکمه تمیزده کچیر دکری
تدقیقات مدنی ۲ کانون ثانی ۳۳۱ ۷۱۰۸

محکمہ تمیز جزا دائره سی مقرانی — (۱) متهمک فاعل مستقل اولدینی حقنده ثلثان
اکثریت آرائنک لزومی ۴ کانون ثانی ۳۳۱ ۷۱۰۹

(۲) اسباب محفقه جزائنک تصریحی ۶ » » ۷۱۱۱

(۳) اصلاح نفس ایچون حبسک مکرر لکه اساس
اولامایه جنی ۶ » » ۷۱۱۲

(۴) محل سرقتده اموال مسروقه نک بولنامسنک
حرکت واقعه بی سرقته تشبیه شکلنه
افراغ ایده میه جکی ۴ » » ۷۱۱۳

(۵) سفر بر لکدن اول تحت سلاحه آلمان
عسکر عائله سنه تعرض دعواسنک مراجع
رژی ۶ » » ۷۱۱۴

(۶) اجتماع جرائم حالنده جرح فعلنک سبب
مشدد اولدینی ۶ » » ۷۱۱۵

(۷) تاریخه عائد سهو حقنده ۱۰ » » ۷۱۱۶

محکمہ تمیز حقوق دائره سی مقرانی — (۱) سندده ربطی لازم کله یین عقد بیع حقنده ۱۲ » » ۷۱۱۸

شورای دولت مضبوطه سی — (۱) خسته مأمور لر حقنده ۱۲ تشرین اول ۷۱۱۹

قسم غیر رسمی

مقاله

منافع مفصوبک ضمانته دائره — (۱) محکمه تمیز رئیس اولی عثمان بک افندی
حضر قلمی ۲۴ » »